

標記  
增補

十



明治三十年五月十日刻

大夫巖垣龍溪先生標記  
孫音博士東園先生再校增補

千里必究  
不許翻刻

# 十八史畧

皇都

出雲寺梓

龍護藏書

苗居常語門人曰佛學  
固害世道而儒學亦誤人  
心盖溺于佛者惑因果之  
誕專為後身之地其弊至  
於殄滅良心而竟以忘  
國恩醉於儒者知澤民之

龍護藏書

音博三岩地生二食明戶  
為仁而不知議君上之非  
義其弊至于君為輕民為  
重是皆由學二教而不得  
其宜遂致背我邦尚義  
之俗不可不察焉我邦  
上古稱瑞穗國瑞穗即美

穀也神道正直猶五穀  
二教猶藥石不中病則反  
為毒矣自開闢

神皇一播此種以來養民以  
美穀教人以神道積歷  
世之久而尚義之俗成矣

音博古君城九年...  
是所以獨尊天下冠絕萬  
國也故身心清潔見義明  
決者得稱 大日本人或  
昧於君臣大義者命為胡  
人以胡俗食獸肉心五濁  
也 邦俗之美土產嘉穀

人有良心 上下守分三  
千年矣其間非無亂世然  
同等爭雄同下相殺者耳  
未嘗有覬覦

**神**器者脫一有之則天誅旋  
至如響應聲豈非

國神在天之靈為之照護哉  
宜矣

皇統悠久與天地無限而世  
之末學腐儒讀漢土史籍  
嗷嗷然稱代德為義弔民  
為仁以湯武革命為天與

人歸斥東周之尸位而惜  
霸主之不王何無忌憚之  
甚也動議

君德之賢否失人臣之義自  
以為孔氏之徒而不知為  
孔氏之罪人也孔聖既為

音博士...  
周人宜諱國惡然猶論樂  
則謂武未盡善歷叙群聖  
則推文王至德而不及湯  
武論古賢則數稱夷齊而  
不取伊呂其微旨可知也  
孔子不得顯斥湯武而懼

大義湮鬱故筆削春秋尊  
君抑臣以垂萬世之教於  
是乎君臣之義明矣反逆  
之罪定矣而湯武放誅之  
獄可斷也後世學孔氏而  
不得微旨者為孟軻傳春

秋而垂戾聖意者為左氏  
二子皆未得為孔氏之徒  
况乎背尚義之國俗尊外  
國之陋風豈非孔門之罪  
人耶嗚呼不厭精於  
瑞穗之土而失天生固有

之良心曲學之弊至此可  
不畏歟我邦臣民惟知  
尊戴

天皇如天如日而已求之漢  
土獨有帝堯一人而其子  
不肖不能承統遂使後世

放伐相踵以為國風之陋  
堯德不及我

天照皇遠矣然則中世以後  
徵用漢籍何也特考禮樂  
刑政之異同治亂得失之  
事蹟耳如君臣大義何

資於彼焉譬如飽膏粱者  
不廢藥石不時之用也此  
之不察而遽治儒學其不  
背國俗而戾孔氏者幾  
希矣學者須先辨春秋大  
義以明湯武之為逆賊而




音恒士苑坊坊生一全册序  
後涉諸史庶乎其無弊也  
頃日十八史略補正再刻  
成因書以為讀史之法

天保九年戊戌孟春

從五位上行大舍人助攝  
音博士源朝臣松苗撰於

平安東洞遵古堂



音恒士苑坊坊生一全册序

音世士... 卷四

昔初讀書父老教以覽十  
八史略時童子何知不解  
者半唯其言是敬從而朝  
夕目之既而至於三復約  
之鮮失心已若髣髴乎具  
一宇宙稍長頗貪博涉乃

之各南下題



史略 兩事是言  
群籍之圃。前有進獲之利。轉索不暇。且以為童習小物。不足復寓目耳。然尚友之道。必論其世。且當時次入紀年大編。諸嘗一二所歷。則暢然若望舊國者。十

九。盖有所道。爾而人情謝前功。亦不自覺其所由。乃爾近偶傍觀小子。讀是編。顧念童習。殆將四紀。心目恍然。忽復有悟。以為以後得益多。棄曩所得薄矣。乃

史明南亭景言  
因<sup>レ</sup>所<sup>ニ</sup>感<sup>ス</sup>且<sup>ツ</sup>志<sup>ル</sup>吾<sup>ニ</sup>過<sup>ラ</sup>以<sup>テ</sup>語<sup>ク</sup>小  
子<sup>ニ</sup>

寬保壬戌之冬

南郭服元喬題



史略叙



史紀<sup>レ</sup>嘖<sup>ク</sup>者<sup>セ</sup>也。三代<sup>レ</sup>呂<sup>レ</sup>前。攷<sup>レ</sup>諸<sup>レ</sup>經<sup>レ</sup>可<sup>レ</sup>見  
矣。繇<sup>レ</sup>秦<sup>レ</sup>漢<sup>レ</sup>而<sup>レ</sup>下。卅<sup>レ</sup>方<sup>レ</sup>萬<sup>レ</sup>國。弋<sup>レ</sup>敗<sup>レ</sup>一<sup>レ</sup>放。  
壹<sup>レ</sup>離<sup>レ</sup>一<sup>レ</sup>合。紛<sup>レ</sup>紜<sup>レ</sup>乎<sup>レ</sup>數<sup>レ</sup>千<sup>レ</sup>百<sup>レ</sup>季<sup>レ</sup>之<sup>レ</sup>間。簡  
籍<sup>レ</sup>灑<sup>レ</sup>翰。千<sup>レ</sup>緒<sup>レ</sup>萬<sup>レ</sup>端。夫<sup>レ</sup>豈<sup>レ</sup>初<sup>レ</sup>學<sup>レ</sup>出<sup>レ</sup>立<sup>レ</sup>。口  
耳<sup>レ</sup>之<sup>レ</sup>傳<sup>レ</sup>。名<sup>レ</sup>所<sup>レ</sup>及<sup>レ</sup>乎。先<sup>レ</sup>進<sup>レ</sup>也。曾<sup>レ</sup>氏<sup>レ</sup>處<sup>レ</sup>後  
之<sup>レ</sup>數<sup>レ</sup>者。汨<sup>レ</sup>其<sup>レ</sup>所<sup>レ</sup>傳<sup>レ</sup>。旨<sup>レ</sup>必<sup>レ</sup>當<sup>レ</sup>也。是<sup>レ</sup>召<sup>レ</sup>采

史略舊序  
取司馬遷史記。班固漢書。范曄東漢書。陳壽三國志。唐太宗晉書。沈約宋書。蕭子顯南齊書。姚思廉梁書。陳書。魏收後魏書。李百藥北齊書。崔仁師後周書。魏徵隋書。李延壽南史。北史。歐陽脩宋祁唐書。歐陽脩五代史。李燾劉昫舉宋鑑諸篇。關乎風教也。

語。定爲一編。故名其篇曰十八史略。開卷一覽。古今山蹟粲然。且自夫以。下及黎庶。凡所召益。身行己也。間皆足。已爲鑒戒云。其所召垂裕。後來也。心。可謂仁且達矣。惜乎。近以學者。莫究其源。不垂。魚豕。出惑世。愚因音而釋之。釐爲七卷。呂質其疑。皆援引諧。

家。非敢臆說。自知僭踰。無所逃罪。亦  
君。李與我同志。脩而飾之。庶斯文已  
出色。時

洪武壬子。七月戊申。臨川陳殷序



史畧音釋凡例

一音文反切

一依玉篇廣韻及取聖經賢傳參考定編

一釋文援引

萬氏史略筌蹄

郭氏帝王世紀

朱子四書

倪氏輯釋

蔡氏書傳

鄒氏音釋

陳氏禮記集說

楊言城補一

朱子詩傳

司馬溫公資治通鑑

呂氏集註

劉氏翰墨全書

左氏春秋傳

林朱音訓

李氏劉氏宋鑑

一累朝州郡沿革不一難於盡述今姑以翰墨全書為宗縣屬於府府屬於各道管轄軍民等司但除前元直隸太興等府編屬北平江東饒信編屬江西前稱曰路者今

悉欽依

本朝改稱曰府餘並不敢強為之說

凡例終

陳氏凡例

--	--	--	--	--	--	--	--	--	--	--	--	--	--	--	--	--	--	--	--	--	--	--	--

立齋先生十八史略目錄

卷第一

太古 三皇 五帝

夏 殷 周

春秋戰國

卷第二

秦 西漢

卷第三

東漢 三國 西晉



卷第四

東晉 南北朝 隋

卷第五

唐

卷第六

五代 宋上

卷第七

宋下 南宋

目錄終

日本

從五位下  
岩垣彦明

校訂標記

孫大學音

博士松苗

再校增補

無為而化

右化

本標

同書後

司馬貞三  
皇本純曰

天地初立

有天皇氏

十二頭瀆

泊無所施

為而俗自

化

立齋先生標題解註音釋十八史略卷之一

前進士廬陵 曾先之 編次

後學臨川 陳殷 音釋

番禺松塢 王逢 點校

建陽縣丞南康何景春 捐俸刊

太古

天皇氏以木德王歲起攝提無為而化兄弟十

二人各一萬八千歲木德凡色尚青王去聲朱云有天下者人稱之曰王

則平聲據其身臨天下而言曰王則去聲後皆倣此攝提寅也太歲在寅曰攝提格無為上古

票已曾補十八史略卷之一

分長九州

構木為巢

又曰地皇  
十頭火  
德王  
又曰人皇  
九頭乘雲  
車駕木羽  
出谷  
補續博物  
志云自古  
帝王五運  
之次有二  
說鄒衍以  
五行相勝  
為義劉向  
則以相生  
為義漢魏  
共尊劉說  
松苗曰五

民淳不  
令而化  
地皇氏  
以火德王  
兄弟十二人  
各一萬

八千歲  
色尚赤  
人皇氏  
兄弟九人  
分長九州  
凡

丁百五十世  
合四萬五千六百年  
長張上聲  
君

君子  
餘揚荆豫梁雍  
世代也  
人皇以後  
有曰有

巢氏  
構木為巢  
食木實  
案世紀  
人皇以後  
有

紀連通紀  
叙命紀  
相繼以治  
而及于有巢  
今未

柴以居也  
木實  
燧人氏  
始鑽燧  
教人火食  
在

書契以前  
年代國都不可攷  
燧音遂  
鑽木取火  
火食用火烹炊攷

古文考

行之說共  
不足取

三皇

太昊伏羲氏

太昊伏羲氏  
風姓  
代燧人氏  
而王蛇身人首  
始

畫八卦  
造書契  
以代結繩之政  
制嫁娶  
以儼皮

為禮  
結網罟  
教佃漁  
養犧牲  
以庖厨  
故曰庖犧

有龍瑞  
以龍紀官  
號龍師  
木德  
王都於陳  
風姓

統其相考之  
所自出  
氏者  
別其子孫之所自  
分

後皆倣此  
八卦  
乾坤  
艮巽  
震離  
坎兌  
孔安國曰

伏羲氏  
王天下  
龍馬負圖  
出河  
遂則其文  
以畫

八卦  
書契  
陸氏曰  
刻木而畫  
其側以約事也  
結

繩上古未有文字  
大事則結木繩  
小事則結小

繩以記之  
儼音麗  
儼對也  
古者交鳥獸皮  
故以

始畫八卦  
造書契  
以龍紀官

三皇本紀  
曰太皞庖  
犧氏母曰  
華胥履大  
人迹於雷  
澤而生庖  
犧於成紀  
按庖厨上  
當有充字

標已曾補

木言...

始作笙簧

女禍補天

按都注蛇足。天子死曰崩。舊水文字經再刻脫者校訂復收施圍識別後皆做此。又曰女媧氏亦風姓蛇身人首有神聖之德代定儀。

雙皮為禮。音古。佃魚。佃畋同。取禽獸也。漁捕魚犧牲。牛羊豕曰牲。犧色純者也。庖犧。太昊又號曰庖犧。龍師。官名。皆有龍字。都邑。庖犧崩。女有宗廟。先君之主曰都。陳州屬河南。

媧氏亦風姓。木德。王始作笙簧。媧音瓜。伊川尊位。或云女媧氏伏羲妹也。笙簧。笙中。金葉曰簧。嚴氏曰。笙以匏為之。十三管。列匏中而施簧。於管端吹笙則鼓。諸侯有共工氏與祝融戰。不勝而怒。乃頭觸不周山崩。天柱折。地維缺。女媧乃鍊五色石以補天。斷鰲足以立四極。聚蘆灰以止滔水。於是地平。天成。不改舊物。共音恭。下頊子。觸充入聲。突也。折音舌。五色青赤黃白黑。斷湍上聲。據物已斷而言。則音團。去聲。以我斷。

論女媧補天在周山崩之前

立號曰女。希氏無革。造惟作笙簧。故易不載。不承五運。

之而言。則音湍。上聲。後做此。鰲當作鼈。傳曰。背負蓬萊者。滔水大水也。或問。列子湯問篇云。昔者女媧氏鍊五色石以補天。斷鰲足以立四極。其後共工氏與顓頊爭為帝。怒觸不周之山。天柱折。地維絕。故天傾西北。地不滿東南。列子之說與史不同。如何。曰。三代以前。文籍未備。事跡固所難考。然據顓頊為黃帝之孫。祝融乃顓頊之子。女媧繼伏羲而立。則列子近是。史之不。同。蓋傳習。女媧氏沒有共工氏。太庭氏。柏皇氏。之誤。與。

昊英氏 朱襄氏 葛天氏 陰康氏 無懷氏 風姓 相承者十五世。

混音魂。上聲。沌音豚。上聲。承繼也。五當作六年。歲莫知幾何。不敢強說。

標記...

炎帝神農氏

炎帝神農氏姜姓人身牛首繼風姓而立火德

王斲木為耜揉木為耒始教畊作蜡祭以楮鞭

鞭草木嘗百草始有醫藥教人日中為市交易

而退都於陳後曲阜傳帝承帝臨帝則帝百帝

來帝襄帝榆姜姓九八世五百二十年牛首頭

音琢斲也耜音似所以起土今之耜加鐵於其

首揉音柔上聲屈木也耒音雷去聲耜柄也蜡

祭蜡音乍蜡祭十一月報由之祭夏曰清祀殷

曰嘉平周曰大蜡秦曰臘始皇復更曰嘉平一

也楮音者赤色鞭草木鞭記其毒曲阜縣屬兗

州帝則帝百世紀作帝明帝直襄世紀作哀

斲木為耒

日中為市交易而退

補禮郊特牲蜡也者

索也歲十二月合聚

斲之若切音灼擊也

直一作宣

黃帝軒轅氏索隱曰有土德之瑞

黃帝公孫姓又曰姬姓名軒轅有熊國君少典

子也母見大電繞北斗樞星感而生帝炎帝世

衰諸侯相侵伐軒轅乃習用干戈以征不享諸

侯咸歸之與炎帝戰于阪泉之野克之電音殿

陰陽傲曜曰電樞星北斗第十一星也干盾也主

衛戈戟屬主刺不享不來朝享之國阪泉地在

上谷克蚩尤作亂其人銅鐵額能作大霧軒轅

帝為天子土德王以雲紀官為雲師蚩尤當時諸侯蚩音

習用干戈

禽蚩尤

以雲紀官

史記索隱曰按皇甫謐云黃帝生於壽星長於姬水因以為姓居軒轅之北因以為名又以為號是本姓公孫長居姬水因改姓姬

標記曾補

齒平聲銅鐵額蚩尤之類堅如銅鐵大霧陰陽  
 蒙冒之氣蚩尤能為之以昏迷軍士指南車古  
 制不傳至唐始定其制車上有樓四角刻水為  
 龍又刻仙人於上車雖回轉手常指南軒轅用  
 之以定四方示軍士一說用子午盤針置之於  
 車亦通涿鹿郡屬北平今涿州涿音卓禽擒同  
 代炎帝前云姜姓相傳八世者執帝王世紀及  
 古史考之言也此云遂代炎帝為天子者史記  
 本紀之言也二說不同未詳孰是或云炎帝以  
 火德玉故其後亦通稱曰炎帝畧通土德凡色  
 尚黃雲師春官為青雲夏官為緡雲秋官為白  
 雲冬官為黑雲中官為黃雲張晏曰因景雲之  
 應故以名作舟車以濟不通得風后為相力牧  
 師與官為將相去聲將去聲後受河圖  
 為將無音者並同帥也案全書黃帝夢  
 齋往河洛求之有大魚游流而上魚  
 泛白圖帝跪受之圖見蔡氏書傳見日月星

作舟車

作甲子

別十律

鳳鳴說不足取師一  
 作命後漢志曰  
 候氣之法為室三重  
 戶閉塗墾必用密布  
 緹縵室中以木為椽  
 每律各一內卑外高  
 從其方位加律其上  
 以葭葦灰抑其內端  
 按曆而候之氣至者  
 辰之象始有星官之書師太撓占斗建作甲子  
 容成造曆隸首作算數伶倫取嶰谷之竹制十  
 二律簫以聽鳳鳴雄鳴六鳩鳴六以黃鐘之宮撓  
 生六律六呂以候氣應鑄十二鐘以和五音  
 巧切占斗建驗斗柄所指也占音瞻嶰谷在崑  
 崑北嶰音解十二律簫音同長短制度詳見  
 禮記集說宮聲之長而濁者曰宮六律黃鐘太  
 族姑洗蕤賓夷則無射六呂太呂夾鐘仲呂林  
 鐘南呂應鐘候氣應說見禮記集說嘗晝寢夢  
 十二鐘應十二律五音角徵宮商羽  
 遊華昏之國怡然自得其後天下大治幾若華  
 胥嘗曾也治去聲朱子云為理物之義者平世  
 聲為已理之義者去聲後皆倣此幾音機

標也

五

米銅

灰去其為  
氣乃動者  
其灰散人  
及風所動  
者其灰聚  
松苗日候  
氣之說虛  
妄  
釋名曰律  
述也所以  
述陽氣也  
律曆志云  
呂旅助陽  
氣也  
晉語司空  
季子曰凡  
黃帝之子

傳黃帝米銅鑄鼎鼎成有龍垂胡髯下迎帝騎  
龍上天群臣後宮從者七十餘人小臣不得上  
悉持龍髯髯拔隨弓抱其弓而號後世名其處  
曰鼎湖其弓曰烏號黃帝二十五子其得姓者  
十四上聲為行上之義者上聲為在上上之義  
者去聲後皆做此從去聲號音豪下同鼎  
湖案全書處州府縉雲縣仙都山有鼎湖注云  
黃帝上天處十四旧註未詳不敢強說○世紀  
黃帝在位百年

五帝

少昊金天氏少去聲下並同

以鳥紀官

二十五宗  
其得姓者  
十四人為  
十二姓姬  
酉祁已滕  
歲任荀偃  
姑儼依是  
也

少昊金天氏名玄囂黃帝之子也亦曰青陽其  
立也鳳鳥適至以鳥紀官囂音曉平聲一曰名  
氏玄鳥氏之類詳見左昭公十七年○  
世紀少昊以金德王在位八十四年

顓頊高陽氏顓音專頊音勗

民神雜糅

左傳昭公  
十七年郊  
子曰我高  
祖少皞摯  
之立也鳳  
鳥適至故  
紀於鳥為  
鳥師而鳥  
名鳳鳥氏  
歷正也玄

顓頊高陽氏昌意之子黃帝孫也代少昊而立  
少昊之衰九黎亂德民神雜糅不可方物顓頊  
受之乃命南正重司天以屬神火正黎司地以  
屬民使無相侵瀆始作曆以孟春為元九黎黎  
當時諸族糅音柔上聲混處也不可方物不可  
以類而求漢郊祀志方音倣依也物事也南正

票也晉補一八中

鳥氏司命重南當作木木正春官重名少昊氏子句芒也  
者也伯翳重平聲屬音燭下同火正黎火正夏官黎名顯  
氏司至者項氏子祝融也為元歲首曰元〇世  
也青鳥氏紀顯項以水德玉在位七十八年

帝嚳高辛氏嚳音

帝嚳高辛氏玄囂之子黃帝曾孫也生而神靈

自言其名代顓頊而立居於亳子當作孫案世

玄囂生嬌極嬌極生帝嚳曾音層疏云重也後

皆做此毫音薄在今河南府偃師縣〇世紀帝

帝堯陶唐氏謚法曰翼善

帝堯陶唐氏伊祁姓或曰名放勳帝嚳子也其

生而神靈

如天仁如神

丹鳥氏司閉者也祝鳩氏司徒也也唯鳩氏司馬也鳩氏司空也爽鳩氏司啟也鶡鳩氏司事也五鳩鳩民者也五鳩為五利器用

不剪芴

正度量夷民者也九  
扈為九農正扈民無  
淫者也補名交音  
乙史記作芴  
白虎通曰謂之堯者  
何堯猶堯堯也至高  
之兒清妙高遠優游  
博衍衆聖之主百王  
之長也謂謚非是

仁如天其知如神就之如日望之如雲都平陽

陶唐云書傳堯初為唐侯後為天子都陶故號

陶唐氏祁通作著放勳放音做勳勳同朱子曰

放至勳功也本史臣贊堯之辭孟子因以為堯

號如天言如天之涵養也知智同如神言如神

之微妙也如日言如日之照臨人咸依就之若

葵心之傾日也如雲言如雲之覆渥人咸仰望

也平陽府屬山西芴茨不剪土階三等有草

生庭十五日前日生一葉以後日落一葉月

小盡則一葉厭而不落名曰莫茨觀之以知旬

朔等級也獸音淹乾也莫音冥茨音治天下五

劫旬朔十日曰旬月十日曰朔十年不知天下治歟不治歟億兆願戴已歟不

游於唐衢

周公始有謚堯時何嘗有謚法乎史記作董

爾極不識不知順帝之則治平聲下億民也十萬曰億十知乃微服游於康衢聞童謠曰立我烝民莫匪

補按墨子曰堯舜茅茨不剪水

爾極不識不知順帝之則治平聲下億民也十萬曰億十

椽不刊

歌曰謠立我云此贊美之辭言立此衆民無非

補松苗曰

矣有老人含哺鼓腹擊壤而歌曰日出而作日

莫焚上古

入而息鑿井而飲畊田而食帝力何有於我哉

小說

入而息鑿井而飲畊田而食帝力何有於我哉

按尚書堯典義和章

於地云此樂道之辭帝堯之世君君臣臣父父子

所記以建寅月為孟

子聖神切化之極無一物不得其所以此可見矣

觀于華

便鯨

春昏中星正曆法二

觀于華華封人曰嘻請祝聖人使聖人壽富多男子堯曰辭多男子則多懼富則多事壽則多辱封人曰天生萬民必授之職多男子而授之職何懼之有富而使入分之何事之有天下有道與物皆昌天下無道脩德就間十歲厭世去而上僊乘彼白雲至于帝鄉何辱之有堯立七十年有九年之水使鯨治之九載弗績堯老倦于勤四嶽舉舜攝行天下事堯子丹朱不肖乃薦舜於天堯崩舜即位華去聲下同西嶽在華州華陰縣南封人掌封

同按擊壤擊地也注以

後世戲名

解之擊甚

出帝王世

紀注節取

風土記之

華封人事

出莊子天

標言增補十八史畧卷之一

標言增補十八史畧卷之一



地篇松苗曰是寓言如非實事不可載下一作子

孟子萬章篇昔者堯薦舜於天而天受之暴之於民而民受之故曰天不言以行與事示之而已

舜盡孝悌之道

白虎通曰謂之舜何

帝舜有虞氏姚姓或曰名重華瞽瞍之子顓頊六世孫也父惑於後妻愛少子象常欲殺舜舜盡孝悌之道烝烝乂不格姦

讓居

舜猶憐憐也言能推信堯道而行之

妻帝二女

孔安國曰無目曰瞽父有目不能分別好惡故時人謂之瞽配字曰瞽也無目之稱也

三年成都在濟陰陶丘亭是也苦窳窳音愈史注苦窳也病也通鑿注云不憂苦飾病蓋言器足用也

明舉於畎畝妻以二女曰娥黃女英釐降于媯

注無此解通鑑綱目疑按今本補飾字可也

○頤音棘  
補松苗曰  
堯舜皆黃  
帝之遠孫  
其實同姓  
也周人獨  
誇不娶同  
姓而考其  
源則出同  
姓者多矣  
徒認其流  
為異姓耳  
我朝不  
禁娶同姓  
蓋古之道  
也且如堯  
一女嫁舜  
未聞其一  
謂蒼舒賈  
鼓構戲大  
臨麗降庭  
堅仲容叔  
達也

○頤音棘  
補松苗曰  
堯舜皆黃  
帝之遠孫  
其實同姓  
也周人獨  
誇不娶同  
姓而考其  
源則出同  
姓者多矣  
徒認其流  
為異姓耳  
我朝不  
禁娶同姓  
蓋古之道  
也且如堯  
一女嫁舜  
未聞其一  
謂蒼舒賈  
鼓構戲大  
臨麗降庭  
堅仲容叔  
達也

為妾我  
朝中世  
立二后  
亦何可  
禮者大  
所制各  
固不同  
補書古  
五典五  
之教父  
弟慈兄  
弟慈子  
弟慈子  
弟慈子

皆高陽氏子春秋傳曰舜舉之使主  
命九官  
咨十二牧  
九官謂禹  
稷契皋陶  
益伯夷  
夔齊太  
皞青徐  
揚荆豫  
梁雍幽  
并營十  
二州之  
牧也  
舜咨之  
使厚有  
德信  
四海  
之內  
咸戴  
舜功  
五典  
仁人拒  
姦惡也

百揆時序四門  
穆穆皆其功也  
彈五絃之琴  
歌南風之詩  
而天下  
治詩曰南風  
之薰兮可以  
解吾民之愠  
兮南風之時  
兮可以阜吾  
民之財兮時  
景星出卿雲  
興百土相和  
而歌曰卿雲  
爛兮禮縵縵  
兮日月光華  
且復且兮

光華且復且兮  
卿雲爛兮禮縵縵兮  
日月光華且復且兮

琴絲屬長三尺六寸六分五絃  
後加文武二絃乃七絃厚也

薦禹於天

補松苗曰景星卿雲之說虛妄

景星亦曰德星王者不私人以官使賢者在位

則見卿與慶同亦曰景雲王者德至山陵則慶雲出百工百執事之人也和去聲此舜子商均不復扶又切兩也後不以音者皆做此舜子商均不肖乃薦禹於天舜南巡狩崩於蒼梧之野禹即

位巡狩孟子曰天子適諸侯曰巡狩巡狩者巡所守也詳見舜典蒼梧鄒氏曰蒼梧山名亦曰九疑在今道州寧遠縣南舜陵在焉或云舜崩於南越蒼梧縣之野未詳○世紀帝舜以土德王在位五十載

夏后氏禹姒姓或曰名文命鯀之子顓頊孫也鯀湮洪水舜舉禹代鯀勞身焦思居外十二年

夏后氏

諡法曰受禪成切曰世紀作樂

開九州通九道

日大夏夏大也言能大嘉舜之德也

世紀按禹名字高密史記謂禹名文命非是

九道九澤書經蔡注九州之山

樣木通道已可祭告

九州之澤而無壅遏

律身為左準繩右規矩

過家門不入陸行乘車水行乘船泥行乘橇山

行乘橇開九州通九道陂九澤度九山命教音似

也溼音因一作溼塞也思去聲陸平地橇起驕切以板為之其狀如箕適行泥上橇音菊以鉄為之其形似錐長半寸施之履下以上山不蹉

州之道陂障也度音堂入聲言九告厥成功舜嘉

之使率百官行天下事舜崩乃踐位告音谷釋文云上布

於下則音誥下告於上則音谷後皆倣此率百官水土既平禹以玄圭告成功于舜舜善其功

遂使攝位踐位詳見孟子通鑑禹既即位國號夏以建寅月為歲首色尚黑牲用玄以黑為徽號聲為律身為度左準繩右規矩一饋十起以

票之

下車泣罪

酒 疏音 鑄九鼎

已有隙障而無決潰。勞天下之民身為度。王肅曰：言禹聲音應鐘律，繩云云，準所以為平，繩所以為直，規所以為圓，矩所以為方，索隱曰：左所運用，堪為人之準繩。右所舉動，必應規。出見罪人，下車問而泣曰：堯

舜之人，以堯舜之心為心，寡人為君，百姓各自以其心為心，寡人痛之。寡人國君自稱曰寡人，古有醴酪，至禹時儀狄作酒，禹飲而甘之，曰：後世必有以酒亡國者。遂疏儀狄，醴酪音禮，薄酒也。儀，姓，狄，名。叔，九牧之金，鑄九鼎，三足象三德，以享上帝，鬼神。九牧，九州之牧，九鼎，以象九州。三德，正直剛柔，以享上帝，鬼神。鼎，主

天下 歸啓 征有 厲

補尚書鄭注：帛所以薦玉，高陽氏後用赤繒，高辛氏用黑繒，其餘諸侯皆用白繒。黃龍負舟，出呂氏春。秋，按言禹夔視龍猶小。一本二謂字皆作猶。禹在位二年，致群臣於此之適也。啓立，說見孟子。有扈氏無

調和，供祭。會諸侯於塗山，執玉帛者萬國。禹濟江，黃龍負舟，舟中，人懼，禹仰天歎曰：吾受命於天，竭力而勞萬民，生，寄也，死，歸也。視龍猶蝦蟇，顏色不變。龍，俛首，低尾，而逝。江水出茂州岷山，東流，與漢水合，入海。蝦蟇，蜥蜴也。一名守宮，謂龍而無角，謂蛇而有足。南巡至會稽山，堰音偃，與音田，上聲。俛，俯也。而崩，子啓賢能，繼禹道，禹嘗薦益於天，謳歌朝覲者，不之益，而之啓。曰：吾君之子也。啓遂立。會

音檜，雞地，在紹興。通鑑：禹既渡江，再

十七歲壽  
一百歲

有田  
有成  
有放  
殺羿  
寒泥

尚書胤征  
惟仲康肇  
位四海胤  
侯命掌不  
師羲和廢  
厥職酒荒  
于厥邑胤  
后承王命  
祖征

道啓與戰于甘有扈氏扈音戶夏同姓國甘地  
啓崩子太康立盤遊弗返有窮后羿窮國后君  
時射日者非嘉立其弟仲康而專其政羲和守義  
不服羿假王命胤侯征之羲和羲氏和氏夏  
授時胤音寅去聲國名○通鑑后羿專權羲和  
守義不服故羿假仲康之命以征之愚案書胤  
征篇文義與此不察仲康崩子相立羿逐相自立  
同讀者不可不察  
羿臣寒泥又殺羿自立相之后有仍國君女也  
方娠奔有仍而生少康其後少康有田一成有  
衆一旅因夏舊臣廢舉兵滅浞而復禹之績去

孔甲

鬼神

劉累  
擾龍

扁一作扁

○食音嗣  
按食讀當  
如字

聲下並同寒泥泥音錯右飛嬖幸之臣寒姓泥  
名○鄒氏曰帝相立二十八年為浞子所滅夏  
遂中絕者四十年娠音申孕也少康以  
聲成十里旅五百人靡臣名復音伏自少康以  
來歷王杼王槐王芒王泄王不降王扈王厘至  
王孔甲好鬼神事淫亂夏德衰天降二龍有雌  
雄陶唐氏之後有劉累者學擾龍以事孔甲賜  
之姓曰御龍氏龍一雌死潛醢以食孔甲復求  
之累懼而逃杼音仲少康子槐音回杼子芒音  
不降弟厘音覲扈子孔甲厘子二當作乘見左  
傳累上聲下同擾音饒上聲應劭音柔注云馴  
也龍養得其嗜慾醢以食醢音海肉醬也藏以  
為醢以與孔甲復求孔甲既饗而再求致龍逃

西京已角甫一八

十三

肉山  
酒池

標記增補十八史卷之一  
 按王履癸上當有至字。補松苗曰。漢語所稱逆賊國言謂之朝敵。此是君子國之口氣。非畏強臣而憚稱賊也。湯伐夏。我所謂朝敵者。史官宜書子履。弑其君桀。如我北條氏通。

不能致龍。故孔申之後歷王皋。王蔑。王履癸。號為桀。貪虐力能伸鉤索鐵。伐有施氏。有施以去。喜女焉。有寵。所言皆從。為傾宮瑤臺。殫民財肉。山脯林。酒池可以運船。糟堤可以望十里。一鼓而牛飲者三千人。未喜以為樂。國人大崩。甲子。孔子。

覆臯子。履癸護子。桀謚法。賊人多殺曰桀。有施氏。當時諸侯未通鑿。作妹女。去聲。以女與人曰寵。傾當作瑤。殫音丹。盡也。脯音甫。乾肉曰脯。山林皆喻其多。墜防也。言累糟如隄防之高。鼓動也。牛飲如牛飲水。樂音洛。崩山壞曰崩。言民心之離猶山崩而湯伐夏。桀走鳴條而死。趨音奏。莫之救也。

天子使幸海島。其逆同子履。而我邦為朝敵者。其家必凶。不唯朝敵其家必凶。如專權違勅。失禮。天朝者亦必得奇禍。天照皇太神常罰強臣甚嚴矣。不得引外國不正之例也。

百三十二年。有與又通。後如云七十有二之類。詳年未。

殷王成湯子。姓名履。其先曰契。帝嚳子也。母簡狄。有娥氏女。見玄鳥。墮卵吞之。生契。為唐虞司徒。封於高。賜姓。成湯王號也。或曰謚蔡氏曰武。玄鳥燕也。卵。上聲。司徒官掌邦教。敷音嵩。曲。擾兆民。商州屬陝。面賜姓。賜子姓也。傳。明相士昌若曹圍曰冥。曰振。曰微。曰報。丁。報乙。

標記增補十八史卷之一  
 一  
 二

從先王居

祝網

明楊慎曰此曰詩有天命玄鳥降而生商之句求其說而不得從而為之誣蓋馬氏好奇之過而未子詩傳亦曰之不改耳按古毛詩注云玄鳥至日以太牢祀高禘記其祈福之時故曰天

報丙壬壬主矣主矣子禾乙是為湯始居亳從先王居昭明契子相土昭明子相去聲昌若相冥子微振子報丁微子報乙報十子報丙報乙在宋州穀熟縣今歸德府是也案全書相士嘗都於此故曰從先王居使人以幣聘伊尹于莘進之夏桀不用伊尹伊姓尹字名摯莘音瑟平聲國名史記注在汴州陳留縣東趙氏曰在同州郃陽縣未詳孰是尹復歸湯桀殺諫者閔龍逢湯使人哭之桀怒召湯囚夏臺已而得釋復歸說見孟子逢音龐夏臺獄名疏云周曰圜上殷曰羑里夏曰鈞臺秦曰圜湯出見有張網四面而祝之曰從天降

放桀于南

大旱七年

命玄鳥然則古說猶未誤也自今詩傳信史記之誤也士一本作士史記同補和漢明辨曰湯欺禽獸補尚書仲虺之語曰成湯放桀于南巢惟有懃德曰予恐來世

從地出從四方來者皆懼吾網湯曰嘻盡之矣乃解其三面改祝曰欲左左欲右右不用命者入吾網諸侯聞之曰湯德至矣及禽獸雅音離遭也至極也伊尹相湯伐桀放之南巢諸侯尊湯為天子南巢蔡氏曰廬江六縣有居巢城今無為州巢縣也桀奔於此因以放之尊湯為天子通鑿湯既革夏命乃以建丑月為正月色尚白大旱七年太史占之曰當以人禱湯曰吾所為請者民也若必以人禱吾請自當遂齋戒剪爪斷髮妻車白馬身嬰白茆以身為犧牲禱于桑林之野

禮記卷之十一

十五

六事自責

以台為口

耳香羽切

殷冠名又

作尋

補松苗曰

大雨之說

溢美不可

信也

按字書云

裏曰苞藉

曰苴

補松苗曰

左傳集解

杜預後序

引紀年載

大甲殺伊

尹之說可

以六事自責曰政不節歟民失職歟宮室崇歟

女謁盛歟苞苴行歟讒夫昌歟言未已大雨方

數千里太史官掌義和之職即今之欽天監官也占音瞻以人禱殺人以祭為請之為

去聲言湯為民請雨齋戒洗心日齋防患日戒

而側巧切斷音端上聲嬰纏也女謁婦女請謁

苞苴饋遺也苞如今令合湯崩太子太丁早卒次

子外丙立二年崩弟仲壬立四年崩太丁之子

太甲立不明伊尹放之桐宮居憂三年悔過自

責尹乃奉歸亳修德諸侯歸之卒音導入聲曲禮大夫死曰卒

營宮故置太甲於此三年太甲為仲壬後故為居憂三年自太甲歷沃丁太

庚小甲雍己至太戊亳有祥桑穀共生于朝一

日暮大拱伊陟曰妖不勝德君其脩德太戊修

先王之政二日而祥桑枯死殷道復興號稱中

宗沃丁太甲子太庚沃丁弟小甲太庚子雍己

此朝音潮祥孔安國曰祥妖怪也二木合生不

恭之罰拱兩手所圍曰拱通鑿作七日大拱伊

陟伊尹子中宗自太戊歷仲丁外壬至河亶甲

避水患遷于相仲丁太戊子通鑿是時亳都有

丁第河亶甲亶音丹上聲外壬之弟水患至祖

河決之患相去聲州屬河東今彰德府

至祖

太甲悔過自責

補松苗曰

左傳集解

杜預後序

引紀年載

大甲殺伊

尹之說可

營宮故置太甲於此三年太甲為仲壬後故為居憂三年

自太甲歷沃丁太

庚小甲雍己至太戊亳有祥桑穀共生于朝一

日暮大拱伊陟曰妖不勝德君其脩德太戊修

先王之政二日而祥桑枯死殷道復興號稱中

宗沃丁太甲子太庚沃丁弟小甲太庚子雍己

此朝音潮祥孔安國曰祥妖怪也二木合生不

恭之罰拱兩手所圍曰拱通鑿作七日大拱伊

陟伊尹子中宗自太戊歷仲丁外壬至河亶甲

河亶甲相

太戊脩德祥桑枯死

信也

補松苗曰  
祥桑之說  
虛妄非情  
草水何關  
人事

河亶甲相



祖乙居耿

盤庚于亳

高宗夢得良弼

雉鳴于鼎

乙居耿又圮于耿祖乙河東甲子耿鄒氏曰在

監云相都又有河決之害復遷于歷祖辛沃甲

祖丁南庚陽甲至盤庚自耿復遷于亳殷道復

興祖辛祖乙子沃甲祖辛子祖丁沃甲子自盤

庚歷小辛小乙至武丁夢得良弼曰說說為昏

靡祭于傅巖求得之立為相武丁祭湯有飛雉

升鼎而雉武丁懼而反已殷道復興號稱高宗

小辛盤庚弟小乙小辛弟武丁小乙子祖輔也

補世說注胥靡刑名胥相也靡從也謂相從坐輕刑也雉有口在何處不雉

武乙無道

說至此而得之孟子曰傳說舉於版築之間是

也相去聲雉野雞雉音構鳴也及已思道猶孟

子巧謂及其仁自武丁歷祖庚祖甲廩辛庚丁

至武乙無道為偶人謂之天神與之博令人為

行木神不勝乃膠辱之為革囊盛血仰射之命

曰射天出獵為暴雷震死祖庚高宗子祖甲祖

丁祖甲次子武乙庚丁子偶人以土木為人曰

偶人博局戲曰博為行之為暴之為並去聲

代行博采革囊革皮囊袋也盛音成下同射

音石下同釋音云凡泛而言射則音麇指物而

射則音石震死以歷太丁帝乙至帝辛名受號

其非命故不稱崩

武乙無道

二

拒諫飾非

象箸王杯

○簋音龜上聲

酒池肉林

史記正義引格地志

辯捷疾手格猛獸智足以拒諫言足以飾非始

為象箸箕子歎曰彼為象箸必不盛以土簋將

為玉杯玉杯象箸必不羨藜藿衣短褐而舍苑

茨之下則錦衣九重高臺廣室稱此以求天下

不足矣格音格擊也象箸象牙箸也象獸名長鼻長牙生南越其牙可作器箸音除去

聲箕子箕國子爵紂諸父也土簋簋內圓外方以盛黍稷土簋瓦器將音漿藜藿藜野菜藿豆

葉衣去聲著也褐毛布曰褐九重謂宮闕深也重平聲臺築土為基稱去聲紂伐有

蘇氏有蘇以妲己女焉有寵其言皆後厚賦稅

以實鹿臺之財盈鉅橋之粟廣沙丘死臺以酒

為池縣肉為林為長夜之飲百姓怨望諸侯有

炮烙之刑

云沙丘苑臺在那州平鄉東北二十里

畔者紂乃重刑辟為銅柱以膏塗之加於炭火

之上使有罪者緣之足滑跌墜火中與妲己觀

之大樂名曰炮烙之刑淫虐甚度兄微子數諫

不從去之比干諫三日不去紂怒曰吾聞聖人

之心有七竅剖而觀其心箕子佯狂為奴紂囚

之殷太師持其樂器祭器奔周妲己音紀女去聲縣懸同畔

叛同肯也辟音平个聲法也膏油也歌音迭樂

音洛炮烙音庖洛炮炙烙燒也庚尼音母野生

曰庶微子微國子爵名庶數音朔比干紂諸父

○佯音羊王于也微若帝切孔也剖音口切剗也箕子佯

示已曾甫一史記卷之一

標言以補之，其言者之一  
佯通作陽，詐也  
狂為奴，古人奴婢皆以罪人為之，箕子因諫得  
罪而遭囚，故為奴。○愚案微子去之，欲存宗祀，  
比于死爭，欲悟君心，箕子佯狂，意猶規諫，跡雖  
不同，為仁一也。天師微子周文王所封之國，  
鄒氏曰：案論語言微子去之，是不仕於王朝而  
遯耳，初不言其歸周也。夫以商主同父之兄而  
自歸於周，是忘君辱身而先亡。周侯昌及九侯  
其宗國矣，微子其肯為之乎？

囚昌

殷凶

史本紀西伯囚羗里，蓋益易之，卦為六十四卦，補紂不降，于賊臣昌而衣寶玉。

而歎息紂囚昌羗里，昌之臣散宜生求美女珎寶進紂大悅，乃釋昌。昌退而修德，諸侯多叛紂，歸之。昌卒，子護立，率諸侯伐紂，紂敗于牧野，衣寶玉自焚死。殷凶。昌，文王三公，太師太傅太保，曰三公，漢襲秦以丞相御史。

麥秀之歌

自焚至崩不失天子之尊也。○散音傘。補松苗曰周發弑其君紂也。蘇東坡有武王非聖人之論，如孔子其國臣子於禮不得言其罪而已。如孟軻曰：誅一天紂賊黨私言也。而我朝無童。

太尉為三公，後以木司馬，木司徒，木司空，為三公。復置師傅保，在三公上。光武二十七年，詔司馬徒司空，並去大字，改木司馬為大尉，一也。諫諍同。諫止也。脯，腊乾其肉。羗音西，散宜生散氏耳。生，名牧野，在紂都。箕子後朝周，過故殷墟，傷宮室毀壞，生禾黍，欲哭不可，欲泣則為近婦人，乃作麥秀之歌曰：麥秀漸漸兮，禾黍油油兮。彼狡童兮，不與我好兮。殷民聞之，皆流涕。朝周案史，克殷乃封箕子於朝鮮，而不臣。今日朝周，猶左氏所謂於周為客者也。壘，去聲。禾黍，五穀總名。黍，苗似蘆，穗黑色，實圓重，俗謂曰糲粟。欲泣云云，泣者淚下，而不敢發聲，近婦人所為漸漸。漸當作漸，麥秀，克油油，盛也。校。殷為天子三十童，史記云紂也。好如字，善也。

唐下已曾補一八也百八卷之二

論天皇善惡之法也。故至今無學正直之人。視外國是等之

大變。驚怪不已。而學者反之。視以為常事。讀書者。宜以清國忠

之。竟為外而恐為外。國史學。所汚而可笑。

按武王作唐虞夏之際為農師。封于郟。別其姓。號后稷。卒

好種樹。及成人。能相地之宜。教民稼穡。興於陶

踐。徙置山林。適會林中。多人遷之。冰上鳥覆翼

之。以為神。遂收之。兒時屹如。巨人之志。其遊戲

欣然。踐之。生棄。以為不祥。棄之。隘巷。馬牛避不

棄。棄母曰姜嫄。為帝嚳元妃。出野。見巨人跡。心

姜嫄履巨人跡而生

履巨人跡而生

為農

按武王作

鎬京是為有郟氏女也。踐蹋也。隘。鳥拜切。狹也。覆音否。去

西都。周公聲也。故復收之。屹音根。个聲。卓立。兒好。去聲。樹

至洛。築王猶植也。稼穡。種曰稼。斂曰穡。郟音台。朱子曰。在

城。是為東京兆府。武功縣。別音編。个聲。號。史記。号。曰后稷

都。紀注。巨別姓。子不窋立。窋之。夏后氏政衰。不窋失其官。

人。猶言大姬。氏。子不窋立。窋之。夏后氏政衰。不窋失其官。

補。松苗曰。奔戎狄之間。不窋卒。子鞠立。鞠卒。子公劉立。復

無入道而修后稷之業。務畊種。百姓懷之。公劉卒。子慶節

誣矣。立國於豳。歷阜僕。參弗。毀隄。公非高。圍亞。圍公

史記評林。叔。鉏。至古。公覃。父獫狁。攻之。去豳。渡漆。沮。踰梁

揚。慎曰。嘗山。邑。於岐山下。居焉。豳人曰。仁人也不可失。扶

見。呂梁碑。所載。后稷

生。台。爾。台爾。生。叔。均

去。古。豳。公

公劉

修后稷之業

古豳公

去豳公

太任生昌

叔均而下數世始至不密而太史公作周紀拘於國語十有五王之說乃舍二人為一人又刪縮數人以合十五之數不知國語之說十五王皆指其賢而有聞者。偷音俞非謂右稷至武

老携幼以後他旁國皆歸之奔戎狄云云西夷日戎北夷日狄按全書今慶陽府安化縣有不密城幽音彬州屬陝西今作邠公劉居之慶節因焉皇僕慶節子參弗通鑿作差弗皇僕子毀隄差弗子公非毀隄隄子高園公非子垂圍高園子公叔鉏鉏通鑿作祖垂圍子古公號亶父名公叔祖子也父音甫後九係个名地名者皆倣此獯鬻音熏育漆沮音取平聲水經漆水出扶風杜陽縣程氏曰杜陽今岐山普閏縣之地亦漢漆縣之境其水入渭在涇水之上非禹貢之漆水也梁山在岐山縣岐山徐廣曰山在扶風美陽西北其南有周原皇甫謐曰邑於周地故始改國曰周古公長子太伯次虞仲其妃太姜生少子李歷李歷娶太任生昌有聖瑞太伯虞仲知古公欲立

昌為西伯

王十餘年而止十五世太史公亦發哉。任音生爵與雀通秦始皇帝父苻叢王名楚故秦人諱之也

李歷以傳昌乃如荆蠻斷髮文身以讓李歷又曰仲雍太姜姜姓女季歷又曰公季娶太任又曰仲雍聖瑞史記注季秋甲子赤爵街丹書止昌舍是也如荆蠻如去也荆者楚之舊号蠻者南夷之名正義曰太伯奔吳所居城在蘇州北常州無錫縣界梅里村其城及家見存而秦如荆蠻者楚滅越其地屬楚秦滅楚其地屬秦秦諱楚故通号吳越之地為荆及北人書史又加云蠻斷端上聲文身刻其身而涅之讓李歷語錄曰太伯逃必之荆蠻斷髮文身者蓋不以仁天下遂父志而成其遠者大者太伯之讓上繼大王之志下以成王季之業無非為天下之公而不為一身之私豈夫孔古公卒公季立公季卒昌立為西伯西伯修德諸侯歸之虞芮爭田

標語增補十八史畧卷之一

不能決乃如周入眾見畊者皆遜畔民俗皆讓  
 長二人慙相謂曰吾所爭周人所耻乃不見西  
 伯而還俱讓其田不取漢南歸西伯者四十國  
 皆以為受命之君三分天下有其二西伯紂命文王為西  
 方諸侯之長得專征伐故稱西伯虞芮二國名  
 虞在今陝州平陸縣芮在今同州馮翊縣傳曰  
 虞芮之君相與爭田久而不平乃相謂曰西伯  
 仁人也盍往質焉乃相與朝周長音張上聲漢  
 水出興元府番冢山至漢陽軍大別山入江有  
 其二天下九州歸文王者六州惟青兗冀尚屬  
 紂有呂尚者東海上人窮困年老漁釣至周西  
 伯將獵卜之曰非龍非黿非熊非羆非虎非貔

呂尚

史記注受命受西伯之命非紂王也表氏謂受命乃受天命耳所謂宜王而不王者補松苗曰受命之說臣子稱贊之私言不更信也

尊呂尚為太公

白魚入王舟

按姑封之君稱太公漢地理志周成王時薄姑氏與四國共成亂成王滅之以此封師尚父是為太公又甲齊有大公和

乃獲霸王之輔果遇呂尚於渭水之陽與語大  
 悅曰自吾先君太公曰當有聖人適周周因以  
 興子真是耶吾太公望子久矣故號之曰太公  
 望載與俱歸立為師謂之師尚父呂尚呂氏尚名姜姓東海  
 全書作東河在冀州至周皇甫士安曰太公欲  
 隱東海聞文王善養老遂入釣于周以干文王  
 將音漿下並同影音螭神獸熊獸似羆音碑  
 獸似熊而長頭高脚虎猛獸說文云山獸之君  
 也貌音昆飲渭水出渭州渭源縣鳥鼠山至  
 同州馮翊縣入河陽水北也耶語助辭後不音  
 讀者可以意讀尚父音甫通西伯卒子蒧立  
 是為武王東觀兵至於盟津白魚入王舟中王

西伯已曾甫入史記卷之一

史記周本紀曰是時不期而會盟津者八百諸侯諸疾皆曰紂可伐矣武王曰女未可知天命未可也乃還師

馬

俯取以祭既渡有火自上復于下至于王屋流為鳥其色赤其聲魄是時諸侯不期而會者八百皆曰紂亦伐矣王不可引歸觀音貫盟孟同在孟州河陽縣白魚馬融曰魚者介鱗之物兵象也白者殷家之正色入王舟是殷命歸周之兆也復音伏王屋云云馬曰王屋王牙居屋流行也魄然安定意也鄭玄云烏有孝德武王卒父大業故烏瑞臻赤者周之正色也或曰王屋山名在河南北五里引歸還師有未知天命之語○按書傳蔡云孔氏以為武王十一年觀兵十三年伐紂武王觀兵是以臣晉君也程子曰此事間不容髮一日天命未絕則是君臣當日而絕則為獨夫豈有觀兵而後伐之哉司馬遷作周本紀因亦謂觀兵而後伐紂詎謬相承展轉左驗後世儒者遂謂實然而使武王蒙千百

補魯論八節篇子謂韶盡美矣又盡善也謂武盡美矣未盡善也補呂祖謙曰武王憂當世之無君者也伯夷憂萬世之無君者也明宣宗語講官曰伯夷太公皆歸文王及

年晉君之惡嗚呼惜哉紂不悛王乃伐紂載西伯木主以行伯夷叔齊叩馬諫曰父死不葬爰及干戈可謂孝乎以臣弑君可謂仁乎左右欲兵之太公曰義士也扶而去之不悛不改過也悛音筌木主神主伯夷叔齊姓墨伯者居長之稱名允字公信謚曰夷叔其弟也名智字公達謚曰齊孤竹君二子也紂太逆曰弑兵猶殺也○武王太公之心恐一時之無君伯夷叔齊之心恐萬世之無君此義蓋並行而不相悖王既為天子追尊古公為太王公季為王季而伯為文王天下宗周通鑿武王既勝殷乃改正朔以建子月為正月色尚赤牲用騂伯夷叔齊耻之以未徽号朝燕服冕而玄衣

不食

武王伐紂

不食周粟，隱於首陽山，作歌曰：登彼西山兮，采

諫之何講

其薇矣，以暴易暴兮，不知其非矣。神農虞夏，忽

上曰伯夷

焉，沒兮，我適歸矣。于嗟徂兮，命之衰矣。遂餓

世太公之

而死。首陽山在河中府河東縣南，蔽似蔽而差

今周語不

語作殂，死也。餓而死，謂不食。武王崩，太子誦立

攝政

載此歌

是為成王。成王幼，周公位冢宰，攝政。管叔、蔡叔

攝政

當時義士

流言曰：公將不利於孺子，與武庚作亂。武庚者

攝政

二人身其

武王所立紂子祿父為殷後者也。周公東征，誅

攝政

義疏曰：遼

武庚管叔放蔡叔，王長周公歸政。即位周公武

管洛

西令支縣

王弟名且冢宰官掌邦治統百官均四海管叔

不食周粟

宗周是為西都將管洛邑未果王欲如武王之

死云松苗

洛為天下中四方入貢道里均也王居西都而

載未得講

朝會諸侯於東都周公召公相成王為左右人

道者言不

自陝以西召公主之自陝以東周公主之交趾

采朝

可採用耳

南有越裳氏重譯而來獻白雉曰吾受命國

示已曾補入



補松苗曰交趾人說史氏溢美私言

左當如字讀

之黃者天無烈風淫雨海不揚波三年矣意者中國有聖人乎周公歸之王薦于宗廟使者迷歸路周公錫以駟車五乘皆為指南之制使者載之由扶南林邑海際暮年而至國故指南車常為先導示服遠人而正四方初凡言初者因其呀由始也後凡云先是者亦倣此鎬京在豐邑東二十五里鎬音皓王都曰京召公名奭召音邵相去聲東都案書傳洛水出洛州洛南縣冢領山至鞏縣入河王城在其北曰洛陽其地前直伊闕後據邙山左瀍右澗洛水貫其中以象天漢武王欲營都邑而未成成王遂卒其志而營之後云邠邠即此地也餘見召誥傳文貢下供於王曰貢左佐同陝音閃州屬河南越裳

理下瀘有志字

常一作如

刑錯不用

昭王南征不返

補松苗曰膠舟之說可怪

氏漢地理交趾郡本南粵之地武帝元鼎六年置越裳之國又在其南重三譯重平聲譯音亦通兩番之語者曰譯重三譯者過二國也獻者下獻上之名也曰使者言黃者音苟老人髮白復黃面色常垢故曰黃者烈風淫雨暴風曰烈大雨曰淫有聖人乎以上乃黃者之言錫賜也駟音駟車有四面屏蔽曰駟車乘去聲扶南國在南蠻林邑亦南蠻國暮年歲一周曰暮常為之為去聲也成王崩子康王釗立成康之際天下安寧刑錯四十餘年不用釗音昭刑錯錯措同道隆德盛民不犯刑康王崩子昭王瑕立昭王南巡狩至楚以膠舟載之溺不返膠舟正義曰昭王德衰南征濟漢中流膠液解子穆王滿立有造父者以善御膠音交朔音匿

補記地補十史畧卷之一

徐偃  
作乱

補松苗曰。西王母事。小說也。一說云。西王母地名也。

荒服  
不至

周紀註。八駿。一說。驂騑。二。駮。三。赤驥。四。白兔。五。騄。六。黃。七。黑。八。驪。八。山子。

幸於王得八駿馬遊行天下將皆有車轍馬跡。  
王西巡世傳王以此時觴西王母瑤池上樂而  
忘歸徐偃王作亂造父御王長驅歸救亂告楚  
伐徐徐敗王將征犬戎祭公謀父諫曰先王耀  
德不觀兵王不聽征之得四白狼四白鹿以歸  
自是荒服不至諸侯不睦造音操幸得龍曰幸  
羽。曰奔霄。曰超景。曰踰輝。曰超光。曰騰霧。曰挂  
翼。轍車跡曰轍。西王母。仙傳拾遺。又号金母元  
君。瑤池在崑崙。音洛。偃王。東方諸侯徐子也。  
嬴。姓。偃。稱曰王。告通鑑。作命。犬戎。西夷名。祭音  
債。謀父。韋昭曰。祭畿內之國。周公之後。王卿士  
謀。父。字也。觀音貫。狼似犬。銳頭。白頰。高前。廣後。

夷王  
下堂  
見諸  
侯

衛巫  
監謗

國語。王喜。下有告召。公三字。下文或字。亦作召。公其。他文小異。

周召  
共理  
國事

一本。事。下。有號字。史記索隱。曰。及冢紀。

荒服要服之外曰崩子共王繫扈立崩子懿王  
難立崩弟孝王辟方立崩子夷王燹立下堂而  
見諸侯楚始僭稱王共音恭繫於分切難古文  
夷王崩子厲王胡立無道暴虐侈傲得衛巫使  
監國人之謗者以告則殺之道路以目王喜曰  
吾能弭謗夫或曰是障也防民之口甚於防川  
水壅而潰傷人必多王弗聽於是國人相與畔  
王出奔彘二相周召共理國事曰共和者十四  
年而王崩于彘監平聲察也以目史記王行侈  
傲國人謗王王怒使衛巫監之

宣王任賢使能

龍黎之妖

年云共伯干王位共國名伯爵言共伯攝王政史記正義曰共伯名和

補松苗曰龍黎亦小妾一作女說

巫以謗者告玉即殺之故國人莫復敢言道路間惟以自相盼而已弭音美止也潰音回去聲旁決也疑音滯縣屬河東今霍邑縣相去聲周召音邪下同非周今且召公奭自二公之後凡輔相周室者皆通稱曰周召也共如字子宣王靜立任賢使能有召穆公方叔尹吉甫仲山甫等為政於內外穆公名虎出平淮夷方叔南征荆蠻尹吉甫北伐獯狁仲山甫以補衮職王化復行周室中興焉崩子幽王宮涅立初夏后氏之世有二龍降于庭曰予褒之二君卜藏其黎歷夏殷莫敢發周人發之黎化為龜童妾遇之而孕生女棄之宣王時有童謠曰檠弧箕服實亡周

褒姒

舉烽火諸侯

犬戎殺幽王

○故常也

補按黎龍以下六字

國適有鬻是器者宣王使執之其人逃於道見棄女哀其夜號而取之逸於褒至幽王之時褒人有罪入是女於王是為褒姒王嬖之褒姒不好笑王欲其笑萬方不笑故王與諸侯約有冠至則舉烽火召其兵來援乃無故舉火諸侯悉至而無冠褒姒大笑王廢申后及太子宜臼以褒姒為后其子伯服為太子宜臼奔申王求殺之弗得伐申申侯召犬戎攻王王舉烽火徵兵不至犬戎殺王驪山下

涅音年入聲褒國在褒城黎音侯平聲韋昭曰

陳殷釋

補歷史綱

鑑補注箕

草名似菽

而細可結

為服服與

龍同即今

之安又也

平王徙居東都

孔子修春秋始此

論東之

龍所吐沫聚龍之精氣也龜音元史記註作玩

謂蜥蜴也孕音盈去聲棄之不夫而育故棄之

厥弘箕服厥音掩弘音胡韋昭云山桑曰繁弘

弓也箕竹名服矢房也鬻音育賣也號音豪逸

匿也發愛也萬方多方以誘其笑降也火曰烽

有急則於高處舉之以為號後音院救也奔申

姜姓國宜白母家地在鄧州信陽軍之境徵召

也驪山在華州渭南縣古驪戎所居故曰驪

諸侯立宜白是為平王以西都逼於我徙居東

都王城時周室衰微諸侯強并弱齊楚秦晉始

大平王之四十九年即魯隱公之元年其後孔

子修春秋始此并併同後不音者皆倣此周室

不能制○蘇氏曰周之失計未有如東遷之謬

也自平王而至于亡非有大無道者也顯王之

神聖諸侯服事終以不振則東遷之過也昔

武王克商紂九鼎于洛邑成王周公增營之周

公既沒君陳畢公更居焉以重王室而已非有

意於迂也今夫富民之家遺子孫者田宅而已

不棄而有貶雖乞假而生可也然終不敢議田

宅今平王舉文武成康之業而棄之此下敗而

粥田宅者也夏商之玉皆五六百年而後王之

敗皆不減也幽厲然至於桀紂而後凶其未凶也天

下宗之不如東周之名存而實凶者則不粥田宅之

效也商雖有迂避水患也非避寇也其避寇而

迂者未有不凶雖不即凶未有能復振者也春

秋始此春秋魯史記之名也孔子以平王東遷

命令政教不行於天下故不得不平王崩太子

之子桓王林立崩子莊王佗立崩子釐王胡齊

立齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓公始霸太子洩父佗音駝釐音音釐王崩

齊桓始霸

本亦

是

丁本

下有

復字

西示已曾甫

四文始霸

莊王問鼎

孔子生

趙魏韓始侯

戰國

論編監始此之意

諸侯皆僭稱王

按左宣三年楚子伐陸渾之戎遂至于雒

觀兵于周疆史主使

王孫滿勞

楚子楚子

問鼎之大

小輕重焉

對曰在德

不在鼎昔

夏之方有

德也遠方

圖物貢金

九枚鑄鼎

子惠王閔之崩子襄王鄭之晉文公始霸閔音浪

襄王崩子頃王壬匡之崩子匡王班之崩弟定

王瑜之崩莊王使人問鼎輕重王孫滿卻之頃音

頃卻却同退也後不音者皆做此有在德不在

定王崩子簡王夷之吳始僭稱王簡王崩子靈

王泄心之孔子生於其時靈王崩子景王貴之

崩子悼王猛之庶弟子朝弒之晉人攻子朝而

立敬王丐孔子歿於其時敬王崩子元王仁之

崩子貞定王介之崩子哀王去疾之弟思王叔

帶襲弒之而自立少弟考王嵬又攻殺思王而

自立崩子威烈王午之晉趙氏魏氏韓氏始侯

周自東遷以來又是二十世而愈微諸侯用兵

爭強號為戰國朝音潮巧音緬王猛母弟殺音

襲嵬音外平聲○司馬溫公資治通鑑始此愚

竊公曰天子之職莫大於禮禮莫大於分分莫

大於名夫晉大夫暴滅其君剖分晉國天子既

不能討又寵秩之使列於諸侯是區區之名分

復不能守而併棄之也先王之禮於斯盡矣威

烈王崩子安王驕之齊田氏始侯安王崩子烈

王喜之崩弟顯王扁之諸侯皆僭稱王顯王崩

也其姦向

明雖小重

象物百物而為之備使民知神

澤山林不

逢不若璣

能因兩莫

能逢之用

能協于上

下以承天

休桀有昏

德鼎遷于

高載祀木

百商紂暴

虐鼎遷于

周德之休

也其姦向

明雖小重

論周本原深固

昏亂雖大 輕也天祚 明德有所 底止成主 定鼎于郊 十卜世三 百天所命 也周德雖 衰天命未 改鼎之輕 重未可問 也 周紀註烈 王六年齊 威王宋朝 是時周室 微弱諸侯

莫朝而齊 獨朝之天 下以此益 賢威王 蘇秦說六 國合從張 儀說五國 連橫關東 地從長閑 西地橫廣

子慎靚王定立崩子赧王延立五十九年與諸

侯約從攻秦秦昭王攻周赧王奔秦頓首受罪

盡獻其邑秦受獻而歸赧王於周以卒周為天

子三十七世初夏亡九鼎遷殷殷亡遷周成王

定鼎於郊鄒卜曰傳世三十歷年七百至是乃

過其歷凡八百六十七年扁音遍靚音淨赧音奴

從頓首頓叩地曰頓首郊音夾鄒音辱歷音

○司馬溫公曰周自平王東遷日以衰微至於

戰國又分而為二其土地人民不足以此比強國

之大夫然天下猶尊之以為主守文武之宗桃

綿綿然久而不絕其故何哉植本固而源深且

遠故也昔周之興也禮以為本仁以為源自后

春秋戰國

稷以來至於文武成康其講禮也備矣其施仁也深矣民習於耳目決於骨髓雖後世微弱其民將有陵慢之心則畏先王之禮而不敢為將有離散之心則思先王之仁而不忍去此其所以享國長久之道不然以區區數邑處於七暴國之間一日不可存况於數十年乎

周平王以後為春秋之世其列國與周同姓

者曰魯曰衛曰晉曰鄭曰曹曰蔡曰燕曰吳

其與周異姓者曰齊曰宋曰陳曰楚曰秦此

其大者餘小國若春秋所書杞許滕薛邾莒

江黃之屬不可盡述於十二列國之中有齊

左傳杜注  
五霸夏昆  
吾商木彭  
豕韋周齊  
桓晉文

桓公宋襄公晉文公秦穆公楚莊王五霸事  
跡若論春秋諸國之終始有未及戰國而先  
亾者有既及戰國而後亾者各舉其槩周威  
烈主以後為戰國之世則秦楚燕齊趙魏韓  
七大國而已秦楚燕猶為春秋之舊國田齊  
趙魏韓則為戰國之新國凡春秋戰國之國  
雖繫周之諸侯而國異政實不繫於周難於  
盡載附見周之下方其時各有先後則觀者  
詳之音舉小國也許也勝也薛也邾也  
音也江也黃也並國名際音澆大畧也

田齊田氏齊見音  
現下方以下方冊

按吳平江  
明南京蘇  
州府  
史記吳本  
伯世家云  
李札之初  
使北過徐  
君徐君好  
李札劍口  
弗敢言李  
札心知之  
為使上國  
未獻還至  
徐徐君已  
死於是乃  
解其寶劍

吳姬姓大伯仲雍之所封也十九世至壽夢始  
稱王壽夢四子幼曰季札札賢欲使二子相繼  
立以及札札義不可封延陵號曰延陵季子聘  
上國過徐徐君愛其寶劍季子心知之使還徐  
君已歿遂解劍懸其墓而去吳子爵都平江稱  
王太伯太王長子  
讓國而逃其後歷仲雍周章然遂柯相壇鳩夷  
餘橋疑吾柯盧周繇屈羽夷吾禽處轉頗高句  
卑去齊至壽夢為十九世始稱王未詳三子長  
曰諸樊次餘祭次餘昧延陵郡屬江浙今常州聘  
曲禮諸侯使大夫問於諸侯曰聘壽夢後四君  
過音戈徐國名使還之使去聲

伐楚

夫差 越 夫 椒

句踐 嘗膽

繫之徐君家樹而去

而至闔廬舉伍員謀國事負字子胥楚人伍奢

之子奢誅而奔吳以吳兵入郢吳伐越闔廬傷

而死子夫差立子胥復事之夫差志復讎朝夕

臥薪中出入使人呼曰夫差而忘越人之殺而

父邪周敬王二十六年夫差敗越于夫椒越王

勾踐以餘兵棲會稽山請為臣妻為妾子胥言

不可太宰伯嚭受越賂說夫差赦越句踐反國

懸膽於坐卧即仰膽嘗之曰女忘會稽之耻邪

舉國政屬大夫種而與范蠡治兵事謀吳太宰

○五

按材棺木

補史記列傳

下應劭曰

取馬革為

鴟夷搢形

按字典鴟夷酒器名

嚭諳子胥耻謀不用怨望夫差乃賜子胥屬鏤

之劍子胥告其家人曰必樹吾墓槨槨可材也

扶吾目懸東門以觀越兵之滅吳乃自剄夫差

取其尸盛以鴟夷投之江吳人憐之立祠江上

命曰胥山四君諸樊餘祭夷昧僚也闔廬諸樊

今江陵府越蠻夷之國姒姓子爵夫音扶差音

敘復音伏辭音酬呼去聲而忘之而父之而

並汝也敗音敗破他日敗則音拜自破日敗則

音俱俊皆做此夫椒之夫音扶夫椒吳地名勾

音鈞會稽音捨雞子胥言有樹德莫如滋去疾

莫如盡之語詳見左哀公元年嚭音不上聲賂

音路賂也說音統誘也自此至五卷終不音者

皆做此坐座同嘗之飲食輒嘗膽以示苦也女

標已曾補

○五



十年生聚十年教訓越滅吳

史記世家范蠡曰會稽之事天以越賜吳吳不取今越豈可逆天乎且天與不取反受其咎

標記坤補十史畧卷之一

音汝屬音燭下同種上聲蠡音禮治平聲下同鏤音問賜劍使以自殺檟音賈木名扶音携个聲扶出也劉音景勿也盛音越十年生聚十年成鳩夷鳩音締馬革囊也

教訓周元王四年越伐吳吳三戰三北夫差上

姑蘇亦請成於越范蠡不可夫差曰吾無以見

子胥為慎冒乃死北敗走也上上聲姑蘇臺在吳都成和也無以見子胥果

如所料故羞見之慎冒面衣也以帛為之方尺二寸四角有繫於後結之慎音明入聲冒音帽

○世紀吳自太伯至越既滅吳范蠡去之遺大未差凡二十五世

夫種書曰越王為人長頸烏喙可與共患難不

可與共安樂子何不去種稱疾不朝或讒種且

賞累鉅萬

作亂賜劍死范蠡裝其輕寶珠玉與私從乘舟

江湖浮海出齊變姓名自謂鴟夷子皮父子治

產至數千萬齊人聞其賢以為相蠡喟然曰居

家致千金居官致卿相此布衣之極也久受尊

名不祥乃歸相印盡散其財懷重寶間行止於

陶自謂陶朱公貨累鉅萬魯人猗頓往問術焉

蠡曰畜五特乃大畜牛羊於猗氏十年間貨擬

王公故天下言富者稱陶朱猗頓遺去聲頓音景烏喙烏孝

鳥亦雅純黑而反哺者曰烏小而不及哺者曰鴉許穢切口也難去聲樂音洛朝音潮從去

西示己曾補一人史畧卷之一

補會編注

以鳩夷為鳥名。

聲私從家眾也。浮舟行水曰浮。鳩夷子皮。史註云。蓋以吳王殺子胥而盛。以鳩夷。今蠡自以有罪為号也。相去聲。下並同。喟然。歎聲。間行。間音潤。潛行也。陶。今定陶縣。屬曹州。賁。音咨。財也。累。上聲。鉅萬。猶言萬萬。猗頓。猗當作倚。姓也。問術。問生財之術。畜。音凶。入聲。下同。特。音字。牝也。多畜之。則生育必蕃。擬。王公有王公之富也。

蔡仲封蔡

按。蔡。汝寧。明。河南汝寧府。為楚之為。平聲。他皆。倣此。楚。並。同。

蔡姬姓。蔡仲之所封也。周公蔡蔡叔於郭鄰。其子胡。率德。改行。復封于蔡。後世至春秋之末。為楚惠王所滅。蔡侯爵都汝寧。蔡蔡之蔡。上音酸。中國之外地。名。胡仲名。率德。改行。率循也。仲能循祖文王之德。改父蔡叔之行。為去聲。○世紀。蔡自叔度至元。侯。九。十四。世。

按。曹。定陶。明。南京曹州府曹縣。

曹姬姓。武王弟。曹叔振鐸之所封也。其後世至春秋中。為宋所滅。曹侯爵都定陶。鐸。音唐。入聲。至伯陽。凡。二十。六。世。

熒惑守心

按。宋。都。睢陽。明。河南歸德府。補。松。苗。曰。分野。及。人。事。應。天。象。

宋子姓。商紂庶兄。微子啓之所封也。後世至春秋。有襄公。茲父者。欲霸諸侯。與楚戰。公子目夷。請及其未陣。擊之。公曰。君子不困。入於阬。遂為楚所敗。世笑以為宋襄之仁。宋公爵都宋。目夷。未陣。未成行陣。阬。音厄。其後有景公者。熒惑嘗為去聲。敗。音拜。下同。以其時守心。心。宋之分野。公憂之。司星子韋曰。

史記魯世家

三十四

之說虛妄

待一作持

丁度史記作三度

黼

補松苗曰

明李時珍曰鵠類有數種禽經瞭曰鵠展

可移於相公曰相吾之股肱曰可移於民公曰

君者待民曰可移於歲公曰歲饑民困吾誰為

君子韋曰天高聽卑君有君人之言三宜有動

候之果徙丁度熒惑火星熒音螢守心心宿經星也分音墳去聲宋豫州之

域心宿真焉司星星官也於相使相受災於民使民受災於歲使歲凶荒饑穀不熟曰饑為去

聲也動歷數世至康王偃有雀生黼占之曰必霸

天下偃喜敗齊楚魏與為敵國偃淫虐天下號

之曰桀宋周慎覬王時齊湣王與楚魏共伐宋

滅之而分其地黼音壇劉向說苑作鷓字林云鵠屬占音瞻與為之與音豫桀

日鷓

宋謂其虐如桀慎覬王案通鑑當作桀王潘

魯

補松苗曰

貴人捷子

我邦古今未嘗聞之

外國人見之

按魯曲阜明山東兗州府曲阜縣

魯姬姓周公子伯禽之所封也周公誨成王

有過則撻伯禽伯禽就封公戒之曰我文王之

子武王之弟今王之叔父然我一沐三握髮一

飯三吐哺起以待士猶恐失天下賢人子之魯

慎無以國驕人魯侯爵都曲阜捷伯禽捷已子

禁也止太公封於齊五月而報政周公曰何疾也

曰吾簡其君臣禮從其俗伯禽至魯三年而報

齊魯問政

政周公曰何遲也曰變其俗革其禮喪三年而後除之周公曰後世其北面事齊乎夫政不簡不易民不能近平易近民民必歸之報政猶述職也北面臣禮夫音扶易周公問太公何以治齊曰尊賢音異下同而尚功周公曰後世必有篡弒之臣太公問周公何以治魯曰尊賢而親親太公曰後寢弱矣治平聲下同篡音剗音剗伯禽十三世而至隱公為去聲寢音浸漸也春秋之始伯禽而下歷考公熙公幽公魏公厲公至隱公魯公獻公真公武公懿公伯御孝公惠公為十三世隱公之弟曰桓公桓公之子莊公莊

孔子為中都宰定公會齊侯于夾谷

票已曾補

公有庶弟三人曰慶父其後為孟孫氏曰叔牙其後為叔孫氏曰季友其後為季孫氏是為三桓世執國命歷子班閉公僖公文公宣公成公襄公至昭公伐季氏三家共伐之公奔乾侯以卒班春秋作般共伐三家及共伐公乾侯晉邑乾音干弟定公立以孔子為中都宰一年四方皆則之由中都為司空進事者必有武備請具左右司馬以從中都宰中都邑屬東平宰邑長也曰大夫見令曰長曰尹同即今之知縣也司空官掌邦土居四民時地剗大司寇

齊人  
歸魯  
侵地

官掌邦禁，詰姦隱，刑暴亂，相去聲，下同。夾谷，今名夾山，在東海郡。見俱也。左右司馬，官掌邦政。統六師，既會齊，有司請奏四方之樂。於是旗旄、劍戟、鼓譟而至。孔子趨而進，曰：「吾兩君為好，夷狄之樂何為於此？」齊景公心怍，麾之。齊有司請奏宮中之樂，優倡侏儒戲而前。孔子趨而進，曰：「匹夫發惑，諸侯者罪當誅，請命有司，加法焉。」首足異處，景公懼，歸語其臣曰：「魯以君子之道輔其君，而子獨以夷狄之道教寡人，於是齊人乃歸所侵魯，鄆、汶陽、龜陰之地，以謝魯。」  
諫音掃，去聲。

孔子  
誅少  
正卯

和也。怍音昨，愧也。麾，指麾，使其退。優倡，倡音昌，俳優倡效侏儒短人。發惑，迷亂也。異處，謂分其屍。語去聲。鄆音韻，汶音問，侵地。左傳註：鄆也。謹也。龜陰也。三邑皆汶陽之田，為齊所侵者。至是歸魯。案三體詩註：汶陽，今泰安州奉符縣也。孔子言於定公，將墮三都，以強公室。叔孫氏先墮，郈季氏墮，費孟氏之臣不肯墮。成圍之弗克。  
將音漿，下並同。墮許規切，毀也。三都三桓私邑。

費郈成也。郈音后，費音私。孟氏之臣處父。○語錄問成既不墮，孔子如何便休。曰：不久孔子亦去魯矣。若使久居，孔子由大司寇攝行相事，七日而誅亂政大夫少正卯，居三月魯大治。齊人聞之，懼乃歸女樂於魯。季桓子受之，不聽政郊。

票已魯補十八

又不致膳俎於大夫孔子遂去魯攝兼也少正

正姓卯名一說少正官名也歸音饋郊祀天膳音煩祭餘肉也去魯史記世家定公以孔子為

大司寇攝攝行相事與聞國政大治齊人聞而懼曰孔子為政必霸霸則吾地近焉我為之先并

矣盡致地焉為犂鉏曰請先嘗沮之沮之不可則致地庸遲乎於是選齊國中美女八十人皆衣

文衣而舞康樂文馬三十匹遺魯君陳女樂文馬於魯城南高門外李桓子微服往觀再三將

受乃語魯君為周道遊觀終日怠於政事子路曰夫子可行矣孔子曰魯今且郊如致膳於大

夫則吾猶可止桓子卒受齊女樂三日不聽政郊又不致膳俎於大夫孔子遂行孟子曰孔子

乃欲以微定公卒子哀公立欲以越伐三桓不罪行是也克歷悼公元公至繆公知尊子思而不能用歷

共公康公至平公嘗欲見孟子而不果歷文公

至頃公為楚考烈王所滅魯自周公至頃公凡

三十四世繆音目共音恭不果說見梁惠王篇頃音傾為去聲三十四世愚案本周

公而言當作孔子名丘字仲尼其先宋人也

孔子出自子姓宋太子弗父何後何玄孫孔有父嘉為宋督所殺故其子奔魯遂以孔為氏

正考父者佐宋三命滋益恭其鼎銘云一命而

僂再命而偃三命而俯循墻而走亦莫余敢侮

饋於是粥於是餈予口正考父正蓋考父字孔父嘉父也鼎銘考

父廟鼎銘文僂偃俯僂音呂偃音禹初命為士其容僂再命為大夫其容偃三命為卿其容俯

孔子名丘字仲尼 三命滋益恭

補松苗曰孟軻不遇魯侯自稱天也何自尊之甚乎孟軻之遇不遇天何為意

餈音胡

禮記曾子人者

陳豆設禮容

補伊藤東涯蓋替錄云聖母禱于尼丘而生孔子之說不可信也蓋後世假托而神之也  
補按注為字恐薦誤  
補按注為司檄作司職周禮牛人鄭注職讀為檄可  
補松苗曰

與顏氏女禱於尼山而生孔子叔梁紇字  
尼山即尼止為兒嬉戲常陳俎豆設禮容長為  
山在兗州  
李氏吏料量平嘗為司檄吏載牲體曰  
俎為菹醢曰豆長音張上聲李氏吏史記作委吏主委積倉廩量音亮司檄史檄史記作棧蓋繫養犧牲之可此官即孟適周問禮於老子及子河謂乘田畜音喚獸產  
而弟子稍益進適齊齊景公將待以李孟之間

其類似堯

清趙吉士所輯寄園寄所寄卷八豕渡寄引識遺以辨孔子師老聃舊說之誤可取也文多故略不記于此又按明嘉靖中詹陵所著異端辨正之說亦同  
平聲  
○繫音類

孔子及魯定公用之不終適衛將適陳過匡匡人嘗為陽虎所暴孔子貌類陽虎止之稍音消去聲李孟魯二卿李氏最貴孟氏為下卿景公將以奉待李氏孟氏之禮之間待孔子適衛主顏雙言由家過音戈匡史註宋邑為去聲陽虎姓虎名字貨李氏家臣也類似也止之有顏淵後文王既沒既免及于衛醜靈公所為去之過曹適宋與弟子習禮木樹下桓離伐拔其樹適鄭鄭人曰東門有人其類似堯其項類皋陶其肩類子產自要以下不及禹三寸繫繫然若喪家之狗適陳又適衛將西見趙簡子至河聞竇鳴犢舜

標口一音補

華殺死臨河歎曰美哉水洋洋乎此之不濟此命也反于衛適陳適蔡如葉反于蔡免脫也反于衛主蘧

伯王家見南子靈公可為史記衛靈公與夫人南子同車使孔子為次乘招搖市過之故孔子醜之有未見好德之語桓離宋司馬向離也出於桓公故又稱桓氏離伐樹有天生德之語有人孔子賴音來上聲額也項胡講切頤也陶音遙要腰同纍纍然若喪家之狗史記注主人哀荒不見飲食故纍纍然而低垂也喪平聲適陳主司城貞子家適衛有三年有成之語河水出崑崙北合渾水至長城南至華陰合渭水東入洛納又此合于漳水入海寶鳴犢舜華二賢大夫及于衛又主蘧伯玉家靈公問陳不對而行適陳案論語則絕糧當在此時葉音攝楚邑反于蔡有沮溺耦耕

楚使人聘之陳蔡大夫謀曰丈人荷篠等事

案一作據

序書

爾雅曰兕似牛犀似象郭璞注云兕一角色青重千斤犀以水牛三角一在頂上一在額上一在鼻上鼻上者食角也

○注青色下脫重

標已錄補

孔子用於楚則陳蔡危矣相與茨徒圍之於野孔子曰詩云匪兕匪虎率彼曠野吾道非邪吾何為於是子貢曰夫子道至大天下莫能容顏回曰不容何病然後見君子楚昭王與師迎之乃得至楚將封以書社地七百里令尹子西不可孔子反于衛季康子迎歸魯哀公問政終不能用乃序書上自唐虞下至秦繆刪古詩三千為三百五篇皆絃歌之禮樂自此可述徒黨也詩云小雅何草木黃篇兕音辭上聲野牛一角青色曠野之野叶上與切何為之為去聲子貢姓端木



補松苗曰論語一書

千九三名賜顏回字子淵師二千五百人為師書社地

字也及于衛時靈公已卒有艾子路正名之語

與穆通秦誓刪音山三百五篇詩三百十一篇

三百五篇者蓋以笙詩六篇無辭有辭者實

三百五篇者蓋以笙詩六篇無辭有辭者實

三百五篇者蓋以笙詩六篇無辭有辭者實

三百五篇者蓋以笙詩六篇無辭有辭者實

三百五篇者蓋以笙詩六篇無辭有辭者實

喜易

未王栢詩疑論之詳矣又曰加我數年五十以學易可以無大過矣而不載序象繫辭說卦文言之事又不載序書之事皆為後人假托之說無疑也如是大事記論語時聖門親炙諸賢

史作

易章編三絕因魯史記作春秋自隱至哀十二公絕筆於獲麟筆則筆削則削子夏之後不能贊一辭韋編韋皮也古者以皮編簡被閱之勤倍公文公宣公成公襄公昭公定公哀公獲麟春秋經止於西狩獲麟一句麟麕身牛尾馬蹄不可則削而去子夏姓卜名商弟子三千

人身通六藝者七十有二人

六藝禮樂射御書數七十有二人顏

回閔損冉耕冉雍宰予端木賜冉求仲由言偃卜商顓孫師魯參詹韋滅明高柴必不齊樊須有若公哲哀曾點顏由商瞿漆雕開公良需公西赤原憲公治長南宮縉秦商顏刻司馬繁巫

孟三遷之教

豈漏之乎。馬期。梁鱸琴。冉儒。顏幸。伯虔。公孫龍。曹邨。陳九叔。仲會。秦祖。奚箴。公祖。茲。廉絜。公西。與。宰父。皆後人假托之說也。  
 但如筆削春秋。雖不載論語。而非孔子誰能正之。就中可擇舊史。混雜耳。續論語作張史記作黨。小學。誓古。篇云。孟軻之母。其舍。

孫伋字子思。作中庸。伋音急。中庸凡三十三章。孟子其門人也。名軻。魯孟孫之後。生於鄒。幼被慈母三遷之教。長受業子思之門。道既通。游齊梁。不用退與萬章之徒。難疑答問。作七篇。軻字子車。一說字子真。鄒縣屬滕州。三遷初舍近。基次徙近市。三徙近學。說見小學誓古篇。長音張。上聲。游齊梁。說見朱子序說。難。

近基孟子之少也。嬉戲為墓間之事。踊躍築埋。孟母曰。此非所以居子也。乃去舍。市其嬉戲為賈樹。孟母曰。此非所以居子也。乃復舍。學官之旁。其嬉戲乃設俎豆。揖讓進退。孟母曰。此真可於老聃。賈音古。商賈游水行。日游。綸釣。繩曰綸。

去聲。七篇。趙氏曰。九。一百六十五字。○老子者。楚苦縣人也。李姓名耳。字伯陽。又曰字聃。為周守藏吏。孔子問焉。老子告之曰。良賈深藏。若虛君子。盛德容貌若愚。孔子去。謂弟子曰。鳥吾知其能飛。魚吾知其能游。獸吾知其能走。走者可以為網。游者可以為綸。飛者可以為矰。至於龍。吾不能知其乘風雲而上天也。今見老子。其猶龍乎。苦音戶。案全書。當作此。屬亳州。李姓。葛洪傳云。李氏女。所生。從母姓。聃音貪。守藏吏。官主出納。帑藏。藏音壯。問焉。家語。孔子與南宮敬叔。問禮於老聃。賈音古。商賈游水行。日游。綸釣。繩曰綸。

標記已曾補入

標訂增補十史卷之十一

以居子矣音增以絲繫矢而射曰矰上上聲老子見周衰去至關關令尹

喜曰子將隱矣為我著書乃著道德五千餘言

而去莫知其所以終至關萬氏云函谷關愚案當

老子俱之流沙流沙在玉門關外尹喜守關令

其後有鄭人列禦寇蒙人莊周亦為老子之學

莊周著書侮孔子而誚諸子焉鄭州屬河南列

書二十篇蒙邑屬睢州莊周即莊子為治也二十

子並治老子之學謂音樵去聲譏議也諸子七十

之徒衛侯爵都朝歌後徙

康叔封衛

按衛朝歌河南衛

輝府

帝北康叔封武王後世至春秋有靈公夫人南

子之亂子崩贖欲殺南子不果出奔南子宋女

亂音快贖五怪切出公卒立崩贖之子輒崩

贖入輒拒之子路與其難太子之臣以戈擊子

路斷纓子路曰君子死冠不免結纓而死衛人

醢子路孔子聞之命覆醢出公崩贖入國自

子弟子姓仲名由與音豫難去聲太子崩贖太

既死衛輒之難遂為衛人所醢孔子聞之而覆

子路曰子路仕衛之失前輩論之多矣然子戰國

入崩贖

音贖 歷乙減切

票已曾補

四三

子思言用人當長短

詩周南兔置篇云肅肅兔置公赴武夫公赴武夫公赴武夫公赴武夫公

時子思居於衛言苟變可將衛侯曰變嘗為吏賦於民食人雞子故弗用子思曰聖人用人猶匠之用木取其所長棄其所短故把梓連抱而有數尺之朽良工不棄今君處戰國之世而以二卵棄干城之將此不可使聞於鄰國也衛侯言計非是而群臣和者如出一口子思曰君之國事將日非矣君出言自以為是而卿大夫莫敢矯其非卿大夫出言自以為是而士庶人莫敢矯其非詩曰具曰予聖誰知烏之雌雄衛侯

桓公封鄭相子產

陵民之訛言寧莫之徵召彼故老訊之占夢其曰予聖誰知烏之雌雄

慎公賦斂也把梓音起子木名皆良材也把樹如柳葉鹿而白色理微赤梓楸之疎理白色而生子者連抱一拱曰抱處音杵卵音鑿上聲干城皆所以扞外而衛內故以為比干如字和去聲將日之將音漿矯揉曲為矯詩曰周之諸小雅正月篇雌雄解見朱子集傳侯惟衛最後亾至秦并天下為帝二世始廢君角為庶人世紀衛自康叔至君角四十三世鄭姬姓周宣王庶弟桓公友之所封也桓公子武公與其子莊公並為周司徒數世至聲公相子產子產者公族國氏名僑孔子過鄭與子產如兄弟云鄭伯爵都西周畿內後徙滎陽聲案左傳當作簡相去聲公族鄭君之族

標記曾補

四二日

三十。一作二十。

叔虞戲削

國氏子產父字子國故以國穆襄以來鄭無歲  
不被晉楚之兵子產受之以禮自固雖晉楚之  
暴不能加焉鄭至周威烈王時君乙為韓哀侯  
所滅韓徙都之伯襄鄭穆公襄公雖晉楚之楚  
凡三十三世祖公至君乙

晉姬姓成王弟唐叔虞之所封也平陽後徙曲

沃又彼絳國本號唐後成王幼與叔虞戲削桐

葉為主曰以此封若史佚請擇日王曰吾與之

戲耳佚曰天子無戲言遂封唐圭瑞玉曰圭若

重耳出奔

逸史太史佚甘後世至文公霸諸侯文公名車

耳名也無母同獻公之次子也獻公嬖於驪姬殺太子申生

而伐重耳於蒲重耳出奔十九年而後反國嘗

餒於曹公子推割股以食之及歸賞從亡者狐

偃趙衰顛頡魏犢而不及子推子推之從者懸

書官門曰有龍矯矯頃失其所五蛇從之周流

天下龍饑之食一蛇割股龍返於淵安其壤土

四蛇入穴皆有處處一蛇無穴號于中野公曰

噫寡人之過也使人求之不得隱綿上山中焚

明謝在枕  
日周禮司  
煇氏仲春  
以木鐸狗  
火禁於國  
中注云為  
李春將出  
火又曰寒  
食禁火以  
為起自介  
子推者固  
俗說之誤

六卿皆大

○行音抗

其山子推死焉後人為之寒食文公環綿上田  
封之號曰介山重平聲驪姬驪戎女姬姓蒲重耳守邑餒音內上聲饑也介  
子推左傳介之推注云介姓推名之語助也推音吹食之之食音嗣從去聲衰初危切韻音賢  
入聲驪音五平起有龍喻車耳頃音頌五蛇喻孤趙顛魏介五丘下叶音戶一蛇專喻子推到音奎割也號音之家野叶上與切意音醫恨聲綿  
上地在汾州焚其山欲使之出為去聲寒食荆楚歲時記清明前三日禁火謂文公卒其後遂之寒食詳見胡曾詠史詩注  
世為霸歷襄靈公成公厲公至悼公霸  
業復盛又歷平公昭公頃公公室益弱而六卿  
范氏知氏中行氏趙氏魏氏韓氏皆大歷定公

韓趙魏為三晉

韓處趙無恤魏駒

胡公陳

按家人謂臣僕補韋昭曰家人庶人之家也索

陳媯姓虞舜之後胡公滿之所封也周武王求

至出公知氏與趙魏韓氏分范中行氏公怒四  
卿及攻公公出奔而死哀公立韓趙魏氏又滅  
知氏而分之必公立晉獨有絳曲沃餘皆入韓  
趙魏氏號為三晉烈公立三卿以周威烈王命  
為侯又歷孝公上靜公魏武侯韓哀侯趙敬侯  
共廢靜公為家人而分其地晉絕不祀頃音傾知音同  
絳曲沃絳屬山西曲沃其縣也靜通鑿作靖  
家人猶庶人紀晉自叔虞至靜公凡三十  
世九

標言北

隱曰謂居  
家之人無  
官職也  
按宛北明  
河南開封  
府陳州

封太公

補按無知  
襄公從弟  
有寵於僖  
公

立小白

莊子史記  
世家左傳  
杜註並以  
小白為弟

而封之後世至春秋有公子完者出奔而仕于

齊陳後為楚惠王所滅而完之後遂大于齊為

甲氏陳侯爵都也世為音龜為楚之為去聲

齊姜姓太公望口尚之所封也後世至桓公霸

諸侯五霸桓公為始名小白兄襄公無道群弟

恐禍及子糾奔魯管仲傅之小白奔莒鮑叔傅

之襄公為弟無知所弒無知亦為人所殺齊人

召小白於莒而魯亦發兵送糾管仲嘗避莒道

射小白中帶鉤小白先至齊而立鮑叔牙薦管

仲為政公置怨而用之齊侯爵都營也糾音九

為去聲為人之為去聲齊大夫雍廩遮攔也射

仲字夷吾嘗與鮑叔賈分利多自與鮑叔不以

為貪知仲貪也嘗謀事窮困鮑叔不以為愚知

時有利不利也嘗三戰三走鮑叔不以為怯知

仲有老母也仲曰生我者父母知我者鮑子也

桓公九合誥侯匡天下皆仲之謀一則仲父

二則仲父賈音古半商也法音欠入聲九左傳

音仲病桓公問群臣誰可相易牙何如仲曰殺

九合諸侯

按齊營都  
明山東青  
州府臨淄  
縣  
補清田約  
評管仲曰  
真儒出世

標已曾補

四十一

禮記卷之六

按。豎。史。作。豎。謂。官。者。非。姓。也。

公子  
爭立

不。公。家。禮。喪。禮。注。引。禮。記。云。子。游。曰。大。斂。

子以食君非人情不可近。開方何如。曰。倍親以適君。非人情不可近。蓋開方故衛公子來奔者也。豎刁何如。曰。官。以適君。非人情不可近。仲死。公不用。仲言卒。近之。相去聲。下同。食。史作適。管仲曰。願君遠易牙。公曰。易牙烹其子。以快寡人。尚何疑耶。非人情。謂不令常情也。倍。背同。豎刁。音樹。洞。刁。臣名。豎其姓也。自官。自受官刑也。二子專權。公內寵如夫人者六。皆有子。公薨。五公子爭立。相攻。公尸在床。無殯。斂者六十七日。尸蟲出于戶。有子謂長衛姬生武孟少衛姬生惠公。鄭姬生孝公。葛嬴生昭公。密姬生懿公。宋華子生子雍。諸侯死。曰薨。相攻。公與

晏子  
重於

晏御  
揚揚

於。作。殯。於。客。位。注。曰。大。斂。出。在。東。階。未。忍。離。其。為。主。之。位。也。主。人。奉。尸。斂。于。棺。則。在。西。階。矣。掘。碑。于。西。階。之。上。建。陳。也。謂。陳。尸。于。坎。也。置。棺。于。坎。而。塗。之。謂。之。殯。

管仲初欲立孝公及卒而改孟等皆爭殯斂古者死三日而斂斂而後殯殯而後葬見朱子家禮自桓公八世至景公有晏子者事之名嬰字平仲以節儉之行重於齊一狐裘三十年豚肩不掩豆齊國之士待以舉火者七十餘家晏子出其御之妻從門間窺其夫擁大蓋策駟馬意氣揚揚自得既而歸妻請去曰晏子身相齊國名顯諸侯觀其志嘗有以自下子為人僕御自以為足妾是以求去也御者乃自抑損晏子怪而問之以實對薦為大夫公使晏子之晉與叔

禮記卷之六



向私語以為齊政必歸陳氏如其言八世桓公以下歷無

虧孝公昭公子舍懿公惠公項公靈公莊公僖公公本十世今云八者蓋器無虧子舍而言也

狐裘狐貉裘皮也狐裘大夫之服也三十年言服之久也豚肩豚豕也禮記集說云大夫祭

用少牢不合用豚周人貴肩肩在俎不在豆此但喻其極小謂併豚兩肩亦不足以掩豆故假

豆言之耳禮貴不豐不殺晏子失之殺者也大蓋傘也為人之為去聲對實以妻言答之大

薦薦御者為大夫叔向晉大夫羊舌肸景公

後五世至康公田和受周安王命為侯遷康公

海濱以死姜氏遂絕不祀五世景公而下歷子

補松苗曰重君臣之義是為第一儒道而左氏盛稱田齊當與

陳完為陳又為田氏

之因大背孔聖之意也田氏雖為聖人之後在姜齊則不免為盜賊晉之三家亦皆同罪如田乞行私惠為己盜賊則施民亦為惡事

太公受命為侯

仲完之子稱孟夷孫

歷莊子白至太公和遂以周安王命為侯卒子

韓趙魏通使蓋三家且有晉而田氏且有齊也

平公封邑大於公所食他音它工正官主百士

禁由是得齊衆乞專政卒子成子恒弒簡公立

斗受之其粟予民以大斗行私惠於民而公弗

標記增補

趙使

孫文子須  
無幸孫桓  
子無字其  
子即釐子  
乞也。  
髡音坤

補松苗曰  
呂尚唯是  
周武軍師  
耳固非有  
仁德之人  
也得封大  
國子孫世  
襲幸甚至  
桓公九合  
一匡有大

桓公午立卒子威王因齊立初不治諸侯皆來  
伐八年楚大譟兵加齊齊使淳于髡請救于趙  
齎金百斤車馬十駟髡仰天大笑王曰先生少  
之乎髡曰臣見道傍有穰田者操一豚蹄酒一  
壺祝曰甌窶滿篝汙邪滿車五穀蕃熟穰穰滿  
家臣見其所持者狹所欲者奢故笑之王乃益  
黃金千鎰白璧十雙車馬百駟髡乃行時齊國  
幾不振王乃召即墨大夫語之曰自子之居即  
墨也毀言日至然吾使人視即墨田野辟人民

封即  
大治

功于周室  
而霸業遂  
為奪朝威  
之基後世  
誇其強至  
執天使焉  
逆甚矣唯  
此一罪於  
我邦先  
例猶得亡  
國之神罰  
也至康公  
天假手田  
氏亡之我  
天朝忠  
義之人猶  
恨其不速  
也。

給官無事東方寧是子不事吾左右以求助也  
封之萬家召阿大夫語之曰自子之守阿譽言  
日至吾使人視阿田野不辟人民貧餒趙攻野  
子不救衛取薛陵子不知是子厚幣事吾左右  
以求譽也是日烹阿大夫與嘗譽者群臣聳懼  
莫敢飾詐齊大治諸侯不敢復致兵  
王名曰因齊淳于髡淳于姓髡名齋音濟平聲  
駟乘馬為駟操平聲祝曰甌窶云云甌窶高田  
窶音婁汙邪依田音烏耶滿篝滿車謂高下皆  
熟滿載而歸也篝音鈎竹籠車尺遮切五穀稻  
黍稷麥菽穰穰豐狼穰音穰狹少也奢多也鎰  
音逸二十四兩曰鎰白璧瑞玉名白虎通云外

齊大治

五十一

標記增補十八史略卷之一

威王以賢為寶

補又曰田氏於名分固是大盜以暴代暴者不得稱也齊之惡以怨其罪也當時天公何不使周天子滅齊噫檀姓也史失其名古者大夫皆稱子南城縣名屬泰山郡

郊惠王曰齊有寶乎王曰無有惠王曰寡人國雖小猶有徑寸之珠照車前後各十二乘者十枚威王曰寡人之寶與王異吾臣有檀子者使守南城楚不敢為寇泗上田畝同郊城外曰郊徑寸徑黃也寸謂珠大滿寸也乘去聲泗上泗水名出魯國示縣陪尾山西南過彭城又東南過下邳入淮泗上者泗水之上也十二諸侯皆來朝朝音朝詳有胙子者上使守高唐趙人不敢東漁於河胙子胙與助同讀如胙即田盼

種首名也史失其姓

一本無千

使田忌孫韓

也高唐地在東昌有黔夫者使守徐州則燕人祭北門趙人祭西門黔音琴徐州徐通鑿註音舒齊邑也祭燕在齊地故祭齊北門趙在齊西故祭齊西門賈逵曰燕趙之人畏齊侵伐故祭以求福有種首者使備盜賊道不拾遺此四臣者將照千里豈特十二乘哉惠王有慚色種音去聲威王卒子宣王立喜文學游說之士騶衍淳于髡田駢慎到之徒七十六人皆為上大夫是以齊稷下學士盛且數百千人然而孟子至而不能用騶音鄒上大夫也稷下稷齊城門名或魏伐韓韓請救於齊齊使田忌為將日山名

標記增補十八史略卷之一

五十一

孫臏 臏 臏

以救韓魏將龐涓嘗與孫臏同學兵法涓為魏將軍自以所能不及以法斷其兩足而黥之齊使至魏竊載以歸至是臏為齊軍帥直走魏都消去韓而歸臏使齊軍入魏地者為十萬竈明日為五萬竈又明日為二萬竈涓大喜曰我固知齊軍怯入吾地三日士卒亡者過半矣乃倍日并行逐之臏度其行暮當至馬陵道陜而旁多阻可伏兵乃斫大樹白而書曰龐涓死此樹下令齊師善射者萬弩夾道而伏期暮見火舉

廣魏 太子 申

秦昭 王求 見孟 嘗君

補按字書臏膝端也又刑刑去膝蓋骨曰臏蓋被臏刑人稱之曰孫臏猶英布被黥稱黥布也而與端通齊大破魏師虜太子申臏音鶴臏音而黥涓果夜至斫木下見白書以火燭之萬弩俱發魏師大亂相失涓自剄曰遂成豎子之名斷兩足則也斷音端上聲黥音擊高誘曰謂刻其額以墨實其中曰黥齊使之使去聲走音奏下同度音堂入聲為陵在大名陜音峽伏藏也令去聲萬弩弓有臂曰弩燭照也豎子豎童豎也宣王卒湣王立靖郭君田嬰者宣王之庶弟也封於薛有子曰文食客數千人名聲聞於諸侯號為孟嘗君秦昭王聞其賢乃先納質於齊以求見至則止囚欲殺之孟嘗君使人抵

孟嘗君

昭王幸姬求解。姬曰：願得君，玃白裘。蓋孟嘗君嘗以獻昭王，無他裘矣。客有能為狗盜者，入秦藏中，取裘以獻。姬為言，得釋。即馳去，變姓名。夜半至函谷關，關法鷄鳴，方出。客恐秦王後悔，追之。客有能為鷄鳴者，鷄盡鳴，遂竅傳出。食頃，追者果至而不及。孟嘗君歸，怨秦與韓魏伐之，入函谷關，秦割城以和。孟嘗君相齊，或毀之於王，乃出奔。薛郡屬山東今東平府聞於之間去古曰。姬者周之姓，貴於諸國之女，故婦人美号皆称姬。後因總謂衆妾為姬。狐白，狐腋下白者。

若一作毛

燕軍入臨淄

史記田單傳：燕樂毅聞書邑人王蠋賢，令軍中環畫邑三十里，無入請蠋。蠋謝不往。燕人曰：不來，吾且屠邑。蠋曰：忠臣不事二主。倚門而望，汝暮出而不還，吾則倚閭而望。汝今

為貴藏音狀物所畜曰藏為去聲函谷關在弘農郡靈寶縣限函音咸傳音轉去聲史註今之驛券狗盜雞鳴蘇曰甲文所寶禮者至於狗盜皆以客禮食之其取士亦陋矣然微此二人幾不脫於死矣當是之時雖道德禮義之士無用也然道德禮義之士當救之於未危亦無用也

相去聲。潘王滅宋而驕，燕昭王以齊嘗破燕之故，與諸侯合謀而攻齊。燕軍入臨淄，潘王走莒。楚將淖齒救齊，及殺潘王而與燕共分齊之侵地。臨淄縣屬益都齊所都也淄音茲走音奏莒縣屬密州淖音鬧王孫賈從潘王於莒而失，王處其母曰：汝朝出而晚來，吾則倚門而望。汝暮出而不還，吾則倚閭而望。汝今

燕已曾補入史略卷之一

法章  
保章  
抗莒

田單  
以火  
牛破  
燕軍

田單  
攻狄

馮驩  
彈劍  
作歌

君烈女不  
更二夫齊  
王不用吾  
諫故退而  
耕於野國  
破君心吾  
不能存而  
人欲劫之  
以兵吾與  
其不義而  
生不若死  
遂經其頸  
而死

齊封田單  
以夜邑萬

事王王走汝不知處汝尚何歸焉賈乃攻淖齒  
殺之求潘王子法章而立之保莒以抗燕後去聲  
單門法時齊城惟莒即墨不下即墨人推田單  
章襄王為將軍身操版鋪與士卒分功妻妾編於行伍  
為將軍身操版鋪與士卒分功妻妾編於行伍  
收城中得牛千餘為絳繒衣盡五彩龍文束兵  
及其角灌脂束葦於尾燒其端鑿城數十穴夜  
縱牛壯士隨其後牛尾熱怒奔燕軍所觸盡死  
傷而城中鼓譟從之聲振天地燕軍敗走七十  
餘城皆復為齊迎襄王於莒封單為安平君音推

退平聲鉞屬絳繒絳赤色繒帛也繒疾陵切脂油也葦葦葭也奔去聲復音伏單攻狄

三月不克魯仲連曰將軍在即墨曰無可往矣  
宗廟亾矣將軍有死之心士卒無生之氣莫不  
揮泣奮臂欲戰今將軍東有夜邑之奉西有淄  
上之娛黃金橫帶騁乎淄澠之間有生之樂無  
死之心故不勝也單明日厲氣巡城立於矢石  
之所援枹鼓之狄人乃下夜掖同邑屬萊州淄  
原山東北入海澠音繩水出益都府東流襄王  
合淄水入海樂音洛枹音浮擊鼓也

樂已曾補

五百

戰國策劍  
下有缺字  
注云缺劍  
把也

○家叶音  
姑

連和初馬驩聞孟嘗君好客而來見置傳舍十  
日彈劍作歌曰長鋏歸來乎食無魚迂之幸舍  
食有魚矣又歌曰長鋏歸來乎出無輿迂之代  
舍出有輿矣又歌曰長鋏歸來乎無以為家孟  
嘗君不悅時邑入不足以奉客使人出錢於薛  
貸者多不能與息孟嘗君乃進驩請責之驩往  
不能與者取其券燒之孟嘗君怒驩曰令薛民  
親君孟嘗君竟為薛公終於薛屬音燭驩音歡  
好去聲置傳舍  
云云傳去聲暫停宿食之義幸薛異賢者之名  
代更代侍奉之號缺音類劍名輿車束也邑入

不助  
五國  
攻秦  
王建  
共遷于

按出私藏  
錢分借薛  
民而取其  
利息以為  
養客之資  
也

為及之為  
如字

公賦使人出錢於薛出薛私藏之錢以奉客出  
音吹去聲凡物自出則音春入聲非自出而  
之則音吹去聲後皆做此貸音慈借也息利息  
也請責之責貸者不納息者之罪券音勸燒之  
驩既及薛見薛民多貧而終不能與息驩輒焚  
其券約而不取令平聲親君驩言吾所不取者  
將以使其民受惠而變君耳竟終也襄王卒子建立母君王后賢  
事秦謹與諸侯信君王后卒齊客多受秦金為  
反間勸王朝秦不修攻戰之備不助五國攻秦  
秦王政既滅五國兵入臨淄王建遂降遷于共  
處之松栢之間而死以齊為郡齊人歌之曰松  
邪栢邪住建共者客邪為及之為去聲反間之間音  
潤謀也謂及其說以離間之

也五國楚燕趙魏韓降音項平聲音恭下同  
邑屬衛州處音杵容邪言建用客不詳使為及間  
乃致此○世紀田齊自太  
公受命至三上建凡七也

封造趙

趙之先本與秦同姓祖於蜚廉有子季勝其後  
有造父者事周穆王以功封趙城由是為趙氏  
春秋時有趙夙者事晉夙生成子衰衰生宣子  
盾人曰趙衰冬日之日也趙盾夏日之日也冬  
日可愛夏日可畏盾生朔大夫屠岸賈滅朔之  
族朔有遺腹子武賈索之不得朔客程嬰公孫  
杵臼相與謀曰立孤與死孰難嬰曰死易立孤  
難耳杵臼曰子為其難杵臼取它兒匿山中嬰  
出謬曰與我千金吾告趙氏孤處賈喜乃使人  
隨嬰殺杵臼及孤而趙氏真孤在嬰後與武滅  
賈竟立武而自殺以下報宣孟及杵臼武卒號

趙衰以下  
十四字左  
傳文公七  
年賈季之  
言

按趙城明  
山西平陽  
府趙城縣  
賈音駕

文子蜚古文飛趙城縣屬霍州衰初危切盾音  
豚上聲賈音古下並同遺腹子交沒而生  
曰遺腹子武名也孤幼而無父曰孤易音異它  
音佗匿女力切藏也謬靡切切給也千金萬氏  
云秦以一鎰為一金千金乃千鎰也文子生景  
叔景叔生簡子鞅簡子有臣曰周舍死簡子每  
聽朝不悅曰千羊之皮不如一孤之腋諸大夫



周舍  
鄂郢

據言地補

補字書審  
與讓同難  
也口吃也  
止言也又  
審諤直言  
貌

朝徒聞唯唯不聞周舍之鄂鄂也。鄂音央上聲  
朝下同下同腋音亦肘也唯上簡子長子曰伯魯幼  
曰無恤書訓戒之辭於二簡以授二子曰謹識  
之三年而問之伯魯不能舉其辭求其簡已失  
之矣無恤誦其辭甚習求其簡出諸懷中而奏  
之於是立無恤為後簡子使尹鐸為晉陽請曰  
以為繭絲乎以為保障乎簡子曰保障哉尹鐸  
損其戶數簡子謂無恤曰晉國有難必以晉陽  
為歸。長音張上聲簡冊也識音志記也習熟也  
晉陽縣屬太原繭絲保障繭音隆上聲繭

智伯  
求地  
於韓  
趙魏

補輟少微  
作輕  
下本與下  
無之字

趙魏  
滅知  
氏共  
為知  
伯報

絲者指賦稅而言保障者指藩籬而言尹鐸之  
意不在賦稅而在藩籬也其後無恤卒於晉陽  
託身而得免况為天下者其或急於繭絲之進  
用而忽諸保障之大計乎損戶數減損戶數則  
稅賦輟而民力舒也難去聲簡子卒無恤立是為襄子智伯  
求地於韓魏皆與之求於趙不與率韓魏之甲  
以攻趙襄子出走晉陽三家圍而灌之城不浸  
者三板沈竈產鼃民無叛意襄子陰與韓約共  
敗智伯滅知氏而分其地襄子漆知伯之頭以  
為飲器知伯之臣豫讓欲為之報仇乃詐為刑  
人挾匕首入襄子宮中塗廁襄子如廁心動索

標已曾補

史記注范  
氏謂昭子  
吉射也中  
行氏謂文  
子苟寬也

求也  
按索搜也

之獲讓問曰子不嘗事范中行氏乎知伯滅之  
子不為報讐反委質於知伯知伯死子獨何為  
報仇之深也曰范中行氏眾人遇我我故眾人  
報之知伯國士遇我我故國士報之喪子曰義  
士也舍之謹避而已

走音奏浸通堅註宜作沒  
三叔一文為叔生也龜  
蛙同蝦蟇也與韓約有唇山齒寒之語敗音拜  
水波黏黑可飾器物著於人身則潰而如癩  
飲器史註酒器也每賓客設之示恨深也為之  
之為為報之為並去聲仇音求健也刑人執賤  
役人也卑官者之屬也首短劍也其頭類也  
故曰匕首匕音比則初吏切索音生个聲取也  
行音杭質音怪身也下也讓潔身為厲吞炭為

或曰炭當  
作炭考異  
云福州山  
有出炭炭  
音昔似炭  
才形食之  
人聲亞下  
詭炭謂石  
炭也

補按通鑑  
綱目曰襄  
子為伯魯  
之不立也

亞行乞於市其妻不識也其友識之曰以子之  
才臣事趙孟必得近幸子乃為所欲為顧不易  
邪何乃自苦如此讓曰不可既委質為臣又求  
殺之是二心也凡吾所為者極難耳然所以為  
此者將以愧天下後世為人臣懷二心者也襄  
子出讓伏橋下襄子馬驚索之得讓遂殺之

同亞音鴉上聲趙孟晉趙氏世稱趙孟如知氏  
世林知伯所欲為殺襄子也易音異將音漿  
襄子立伯魯之孫完是為獻子獻子生烈侯籍  
以周威烈王命為侯歷武公敬侯成侯至肅侯

烈侯  
命

有子五人。不肯置後。立伯魯之孫浣。是為獻子。又按史記世家。文意相同。

補風俗通曰。鬼谷先生六國時。

標言地補一。日暑卷之一。

伯魯之疑。衍文。案通鑑浣。秦人恐喝諸侯求割。

地有洛陽人蘇秦游說秦惠王不用乃往說燕。

文侯與趙從親燕資之以至趙說肅侯曰諸侯。

之卒十倍於秦并力西向秦必破矣為大王計。

莫若六國從親以擯秦肅侯乃資之以約諸侯。

蘇秦以鄙諺說諸侯曰寧為鷄口無為牛後於。

是六國從合（恐去聲脅也喝音罕个聲洛陽縣禹河南從音從下並同資助給路

費曰資為去聲計謀也六國楚燕齊韓趙魏擯音賢棄也鄙諺諺音彥俗語寧願詞也雞口雖小貴也牛後雖大賤也踰寧蘇秦者師鬼谷先

為小國之君無為大國之臣蘇秦者師鬼谷先

縱橫家也。

一本取下有仰字

生初出游困而歸妻不下機嫂不為炊至是為

從約長并相六國行過洛陽車騎輜重擬於王

者昆弟妻嫂側目不敢視俯伏侍取食蘇秦笑

曰何前倨而後恭也嫂曰見季子位高金多也

秦喟然歎曰此下人之身富貴則親戚畏懼之

貧賤則輕易之况眾人乎使我有洛陽負郭田

二頃豈能佩六國相印乎於是散千金以賜宗

族朋友既定從約歸趙肅侯封為武安君（鬼谷姓王）

補正義云輜則也謂吹爨也長音張上聲相去聲下同過音戈騎去

名詡居河南鬼谷故号鬼谷先生為去聲炊音

標已曾補入史記卷之二

約敗使首

射服武靈

秦壁如蘭

軍糧什物聲輜音茲重去聲輜載於車重載物車也行者雜廁載之資總曰輜重昆兒也季子秦字易音異忽也以其累重百畝曰頃武安縣屬茲州其後秦使犀首欺

趙欲敗從約齊魏伐趙蘇秦恐去趙而後約解

使去聲敗音拜犀首通鑿周顯王三十七年秦

惠王使犀首欺齊魏與共伐趙以敗從約犀首

仕於秦者也肅侯子武靈王胡服拍騎射畧胡

地滅中山欲南襲秦不果騎去聲胡地北狄曰

傳子惠文王惠文嘗得楚和氏璧秦昭王請以

十五城易之欲不與畏秦強欲與恐見欺蘭相

如願奉璧往城不入則臣請完璧而歸既至秦

時中山負齊之疆暴吾地引水圍鄒約於不守夫故寡人變服騎射欲以備四境之難報中

王無意償城相如乃給取璧怒髮指冠卻立柱下曰

臣頭與璧俱碎遺從者懷璧間行先歸身待命於秦

秦昭王賢而歸之和氏璧韓非子曰楚人下和得玉

之曰石也王以為和詎則其左足武王即位和又獻

抱璞哭於荆山二日夜泣盡繼之以血王使入問曰

天下別者多子奚哭之悲相曰吾非悲則也夫以寶

玉而題之曰石真士而名之曰詎吾是以悲王使文

奉璧往有不與曲在我之語償音常還秦王約趙王

會澠池相如從及飲酒秦王請趙王鼓瑟趙王鼓之

相如復請秦王擊缶為秦聲秦王不肯相如曰五步

秦趙澠池

補綱目集覽日記王

秦昭王擊缶為秦聲秦王不肯相如曰五步

制云古者八尺為步今以周尺六尺四寸為步此言五步之內蓋言至近也

相如引車避廉

之內臣得以頸血濺大王左右欲及之相如叱之皆靡秦王為一擊至秦終不能有加於趙趙亦盛為之備秦不敢動灑音洒縣屬陝州從去聲瑟絲屬二十五絃生音否瓦器可以節樂也歸以相如為上卿在廉頗右頗曰我為趙將有攻城野戰之功相如素賤人徒以口舌居我上吾羞為之下我見相如必辱之相如聞之每朝常稱病不欲與爭列出望見輒引車避匿其舍人皆以為耻相如曰夫以秦之威相如廷叱之

廉頗

辱其群臣相如雖駑獨畏廉將軍哉顧念強秦不敢加兵於趙者徒以吾兩人在也今兩虎共鬪其勢不俱生吾所以為此者先國家之急而後私讐也頗聞之肉袒負荆詣門謝罪遂為刎頸之交右上也為之之為去聲朝音潮列位序也舍人親近左右之通稱備言家人下也天音扶驚音奴鉤也祖音但脫袖露肉為袒荆荆木杖也詰音昇至也刎頸刎音文上聲史記要齊生死而惠文王子孝成王立秦伐韓韓上列頸無悔也黨降於趙秦攻趙廉頗軍長平堅壁不出秦人行千金為及間曰秦獨畏馬服君趙奢之子括

趙王成  
頗括以

史記趙奢

史記趙奢  
傳王問之  
母對曰括  
父為將得

為將耳王使括代頗相如曰王以名使括若膠  
柱鼓瑟耳括徒能讀其父書不知合變也王不  
聽上黨降於趙上黨郡屬山西今路州降音項  
平聲通鑿上黨守馮亭謀曰秦兵日進韓不  
能應不如歸趙韓趙為一則可以當秦矣長平  
城在澤州高平東北堅壁堅城壁也為去聲間  
音問馬服服虔曰奢嘗為趙將有功賜号馬服  
猶言服馬也膠柱柱絃下柱膠其柱而不移則  
瑟之聲必不能合其節括少學兵法以天下莫能當與父  
奢言不能難然不以為然括母問故奢曰兵死  
地也而括易言之趙若將括必破趙軍又括將  
行其母上書言括不可使括至軍果為秦將白

毛遂  
自薦

賞賜盡以  
與軍吏士  
大夫受命  
之日不問  
家事今括  
且為將  
東鄉而朝  
軍吏無敢  
仰視所賜  
金帛歸買  
田宅父子  
異心頗王  
勿遣  
補按莊子  
齊物論曰  
以堅白之  
昧終諸注  
紛紛莫可  
示已曾補

起所射殺卒四十萬皆降坑於長平去聲辨難  
也為然之然通鑿作善易音異將行之將音衆  
上上聲括不可使有即有不稱妄請無隨坐之  
語果為之為去聲射音石降音趙相平原君公  
子勝食客常數千人客有公孫龍者為堅白同  
異之辨相去聲平原縣屬德州公子勝武靈王  
子弟字子石咸玄英莊子疏云公孫龍著守  
白論行於世堅白即守白也言堅執其說而守  
之公孫龍之辨蓋將合秦攻趙邯鄲平原君求  
異以為同故曰同異秦攻趙邯鄲平原君求  
救於楚擇門下文武備具者二十人與之俱得  
十九人毛遂自薦平原君曰士處世若錐處囊

示已曾補

六十二

毛遂  
處囊  
穎

適從又史記公孫龍為堅白同異之辨司馬彪注謂堅白非石白馬非馬也同異謂同者異而先輩未見有引其書中語為證者也又諸子彙函中收公孫龍未審真偽歷階登階

中其未立見今先生處門下三年未有聞遂曰使遂得處囊中乃穎脫而出非特未見而已平原君乃以備數十九人目笑之至楚定從不決毛遂按劍歷階外曰彼之利害兩言而決耳今日出而言日中不決何也楚王怒叱曰胡不下吾與而君言汝何為者毛遂按劍而前曰王呀以此遂以楚國之眾也今十步之內不得恃楚國之眾也王之命懸於遂手以楚之強天下莫能當白起小豎子耳一戰而舉鄢郢再戰而燒

魏信  
陵君  
大破  
秦軍

補錄會編  
作錄注庸  
常也

不取足

夷陵三戰而辱王之先人此百世之怨趙之所羞合從為楚非為趙也王曰唯唯誠若先生之言謹奉社稷以從遂曰取雞狗馬之血來捧銅盤跪進曰王當歃血而定後次者吾君次者遂左手持盤右手招十九人歃血於堂下曰公等碌碌所謂因人成事者也平原君安從歸曰毛先生一至楚使趙重於九鼎大呂以遂為上客楚將春申君救趙會魏信陵君亦來救趙大破秦軍邯鄲下邯鄲音寒丹縣屬磁州釋十九人名姓未詳處音杵下並同錐音追

標已曾補一人

卷之三

悼襄  
王思  
復用  
廉頗

字彙軟色  
洽切音靈  
盟者以血  
塗曰旁日  
軟血又失  
法切音攝  
歎也

鑽也見音現下同穎脫穎禾芒銳上突然而出  
故云穎穎說文脫突也從音蹤下並同胡何也  
鄆音匣城在襄陽夷陵郡屬湖北今峽州屬謂  
拔鄆從陳之辱也唯上聲社稷古者建國左稷  
右社左陽右陰主殺軍行則載社主以行以  
示誅戮之不敢專也或曰社主土稷主穀稷何  
與於軍行乎曰稷非土無以生土非稷無以見  
生故以其同功而均利故言社則并稷而言之  
耳非謂載稷主以行軍也雞狗馬凡盟用牲天  
子牛馬諸侯犬狼大夫以下用雞今總盟之故  
曰雞狗馬之血軟音杉入聲軟歎也餘者瘞之  
故云軟呀謂盟者如是碌碌孝子曰碌碌如玉  
落落如石言玉之混石不可以一孝成王子悼  
襄王立思復用廉頗為將時頗奔在魏使人視  
頗頗之仇郭開與使者金令毀之頗見使者一

李牧  
為將  
破匈奴

補三遺矢  
索隱曰謂  
數起便也

飯斗米肉十斤被甲上馬以示可用使者還曰  
廉將軍尚善飯然與臣坐頃之二遺矢矣王以  
為老遂不召楚人迎頗於魏頗為楚將無功曰  
我思用趙人尋卒趙得李牧為將先居北邊破  
匈奴悼襄王子幽繆王遷立秦王政遣兵攻趙  
牧為大將敗之秦縱及間言牧將及遷誅之秦  
兵至虜遷趙之七大夫立趙嘉為王王子代秦  
進攻破嘉遂滅趙為郡使去聲飯上聲下同上  
也矢屎同思用趙人音趙士卒訓練有素尋縱  
同續也後倣此卒音遵入聲匈奴北狄曰匈奴



持言...

繆音目敗音拜間音潤將及之將音漿七史記作凶代州屬山西○世紀趙自烈侯受命至王

**畢萬**

左閉公元車傳賜畢萬魏以為大夫

**文侯**

受命為侯文侯式段于木問

魏之先本與周同姓文王子畢公高之後也國絕有苗裔曰畢萬事晉邑于魏數世有絳絳後四世曰桓子者與韓趙共滅知氏而分之桓子之孫曰文侯斯者以周威烈王命為侯以卜子夏田子方為師過段干水之間必式四方賢士多歸之魏都安邑音商音曳邑于魏縣屬本名事見左閔公元年絳謚莊子嘗勸晉和戎有功四世譜系未詳閔通鑿作廬武車前橫木有牙敬則俯而馮之文侯之子擊

**田子方**

**文侯**

按史註魏絳之子歲孫獻子茶曾孫襄子修文孫簡子取其子即桓子也索隱有許子無贏又左傳修作曼多良妻一作賢妻

遇子方于道下車伏謁子方不為禮擊怒曰富貴者驕人乎貧賤者驕人乎子方曰亦貧賤者驕人耳富貴者安敢驕人國君而驕人失其國大夫而驕人失其家夫士貧賤者言不用行不合則納履而去耳安往而不得貧賤哉擊謝之夫音扶行去聲下同履皮履日履文侯謂李克曰先生嘗教寡人家貧思良妻國亂思良相今所相非魏成則翟璜二子何如克曰居視其所親富視其所與達視其所舉窮視其所不為貧視其所不取五者

票己曾補...

六十五

標言此補一八

吳起  
殺妻  
求將

通鑑起始  
事曾參母  
死不奔喪  
曾子絕之  
今又殺妻  
云云  
一本罪下  
有亡字

武侯  
以山  
河為

足以定之矣。子夏田子方段干木成所舉也。乃相成。相去聲下並同魏成文侯弟翟音宅姓也有衛人吳起者。初仕魯。魯欲使起擊齊。而起娶齊女。疑之。起殺妻以求將。大破齊師。或曰。起殘忍薄行人也。起恐得罪。歸魏。文侯以為將。拔秦五城。起與士卒同衣食。卒有病疽。起吮之。卒母聞而哭曰。往年吳公吮其父。不旋踵死。敵今又吮其子。妾不知其死所矣。拔取也疽音蛆癰也吮音痊上聲吸也文謂吸出膿血旋踵踵音腫旋轉踵足也文侯卒。子擊立。是為武侯。武侯浮西河而下。中流

吳起  
謂在  
德不  
在險

○華去聲

願謂吳起曰。美哉。山河之固。魏國之寶也。起曰。在德不在險。昔三苗氏左洞庭右彭蠡。禹滅之。桀之居左河濟右泰華。伊闕在其南。羊腸在其北。湯放之。紂之國左孟門右太行。恆山在其北。太河經其南。武王殺之。若不修德。舟中人皆敵國也。武侯曰。善。洞庭湖在巴陵縣西彭蠡澤在彭澤縣東即鄱陽湖是也濟上聲水出絳州城曲縣。三屋山東南曰沈水。既見而伏。東出孟州。是為濟水。西南入于河。復出河之南。益而為滎。東出于陶丘北。又東北至東平府。又北東至博興州入海。泰華。秦太同。太華。西嶽。案華州鄭縣有少華山。故指西嶽為泰華也。伊闕。高誘曰。伊闕在洛陽西南六十里。禹所闢也。

標已曾補一八

六十一

惠王卑辭厚幣以招賢者

本傳其妻曰喜子母讀書游說安得此辱乎張儀謂其妻曰視

羊腸皇甫謐曰壺關北有羊腸坂在太原晉陽西北九十里孟門索隱曰案紂都朝歌孟門山在其西今言左則東別有孟門也太行山首始於懷孟府河內縣西北至幽州九百嶺且十州之界有八陁行音抗區胡登切武侯卒子惠王登立東敗於齊將軍龐涓與太子申皆死南敗於楚西喪地於秦乃卑辭厚幣以招賢者孟子至而不用子襄王立孟子去之齊登音鶯喪去聲魏人有張儀者與蘇秦同師嘗遊楚為楚相所辱妻慍有語儀曰視吾舌尚在否蘇秦約從時激儀使入秦為楚相所辱為去聲相去聲登蹄云儀嘗從楚相飲已而楚相以壁意儀盜之

張儀連六國以秦

吾舌尚在否不妻笑曰舌在也儀曰足矣贈一作贍秦救韓敗趙魏之師魏段干子請割南陽予秦以和蘇代謂魏王曰欲重者段干子也欲地者秦也今使欲重者制地欲地者

乃執而告之吾舌示將復為游說也從音蹤下同激儀案蘇秦初使人說儀來謁已而先誡門下勿為通又使不得去者數日及見又慢辱之既激其怒而入秦然後陰使人贈其資隨之入秦他日乃以實告曰蘇君憂秦伐趙敗後約以為非君莫得秦柄故激怒君使臣陰奉給君資以盡蘇君之計謀也儀曰蘇君之時儀何敢言蘇秦去趙而後解儀專為橫連六國以事秦秦惠王時儀嘗以秦兵伐魏得一邑復以與魏而欺魏割地以謝秦歸為秦相已而出為魏相實為秦地襄王時復歸相秦已而復出相魏以卒從解說見上文謝秦事見通鑑周顯王四十一年為魏安釐王立封去聲為秦峯蹄云實為秦圖魏

西示已言補一人

安釐王說趙共尊秦為帝

劍重魏地盡矣夫以地事秦猶抱薪救火薪盡火不滅王曰是則然夫然事既已行不可更矣對曰夫博之所以貴象者便則食不使則止今何王之用智不知用象也王不聽卒以南陽為

橫言地神十八史卷之一

公子無忌為信陵君無忌愛人下士食客三千人秦攻趙魏王使晉鄙救之秦昭王欲移兵先擊救者王恐止晉鄙兵壁于鄴又使新垣衍說趙共尊秦為帝曾仲連往見衍曰彼秦者棄禮義上首功之國也即肆然帝天下則連有蹈東海而死耳衍再拜曰先生天下士也吾不敢復言帝秦兵趙平原君夫人無忌姊也趙急使者尉蓋相望責救於無忌無忌請於王及使賓客淳說萬端王不聽客侯嬴教無忌禱於王幸姬

無忌晉鄙兵

扣壁屯止也史信陵君傳侯嬴年七十家貧為夷門監者公子置酒大會賓客坐定公

子從車騎虛左自迎侯生坐直上載不讓公子執轡甚恭侯生至引坐上坐賓客皆使人請無忌不肯歸客毛公薛公見曰魏急而

西已魯甫

卷之

無忌 還魏 兵敗秦

韓侯 受命

聶政 刺韓 相俠

驚 補 我邦足 利義滿公 位極人臣 儀擬 乘 與及 魏 天皇授以 太上皇尊 號蓋為其 子我持公 所福不得 已 勅許 者其後霸 業漸衰終 至滅心天 道虧盈 哉且知當

時 天朝 忠臣憤其 驕僭為魯 仲連者甚 浪隨東海 而死者不 唯一人後 世忌之威 如豐大閣 不做是許 惡例 我朝天位 貴冠方國 在人臣虛 號亦不可 僭如是 接韓穎川 明河南開

公子不恤一旦秦克大梁夷先王宗廟公子何面目立於天下乎無忌趣駕還諸侯聞無忌為魏將皆遣救無忌率五國兵敗秦兵於河外追至函谷關而還無忌卒

秦主政遣兵伐魏殺王假而滅魏為郡魏自文 侯受命至王假凡九世 韓之先本與周同姓武王子韓侯之後也國絕

其後裔事晉為韓氏韓武子之三世曰厥厥五世至康子與趙魏共滅知氏又二世曰景侯度以周威烈王命為侯韓都穎川五世譜系未詳 景侯音乾 韓相俠累與濮陽嚴仲子有惡仲子聞軼人聶政之勇以黃金百鎰為政母壽欲因以報仇政曰老母在政身未可以許人也及母卒仲子乃使政圖之俠累方坐府兵衛甚嚴政直入刺之因自皮面抉眼韓人暴其尸於市購問莫能識姊嫫往哭之曰是深井里聶政也以妾

景侯傳

六十九

哀侯 申不害 相國 刑去聲

封府。按史記。獻子厥之子。宣子孫真。子曾孫簡。子玄孫莊。子其子。即康子也。扶音淵。入聲。史記索隱曰。重猶復也。或云重。上聲。厚也。刑去聲。分相去聲。

賢弟之名。遂死政尸旁。相去聲。俠累。姓字名。偃。屬開州。濮音卜。惡音鳥。去聲。史記作有陰。軹音止。縣屬河內。聶音攝。姓也。壽猶今人。稱千歲。一百二十歲之類。因託也。府。今相之居。曰府。衛護也。刺音次。殺也。皮面扶眼。史記索隱。皮面謂刺其面皮。扶眼。謂出其眼睛。欲令人不識也。暴如字。暴露也。購音勾。去聲。募也。葵音鶯。史記作榮。索隱曰。其姊名。深井里。屬軹縣。旁。傍同。景侯四世至哀侯徙都。鄭四世。景侯生烈侯。烈侯生文侯。文侯生哀侯。哀侯生懿侯。鄭人申不害。以黃老刑名之學為昭侯目。國治兵強。昭侯有弊袴。命藏之。不以賜。

左右侍者曰君亦不仁者矣。昭侯曰。明主愛一嘖一笑。嘖有為。嘖者笑有為。笑今袴豈特嘖笑哉。吾必待有功者。申不害。申姓。不害名。黃老黃也。嘖通眉。感也。為去聲。昭侯卒。子宣惠王立。二世至桓惠王。韓上黨守降趙。致趙受秦兵。而有長平之敗。又下世至王安。秦王政遣將虜安。遂滅韓為郡。三宣惠生襄王。襄王生僖王。僖王生桓惠。守音獸。後郡守太守並同。降趙。說見趙下。將內史勝。○世紀。韓自景侯受命。至王安。凡十世。楚之先出自顓頊。顓頊之子為高辛。火正。命曰

標記增補十八史畧卷之一

六

熊澤封陽

文王都郢

莊王日夜為樂

按。楚都郢。國。明湖廣。兼天府是也。

熊澤封陽

祝融弟吳同復居其職。吳同二世有李連者得  
 芋姓。李連之後有鬻熊。事周文王。成王封其子  
 熊繹於丹陽。至夷王時。楚子熊渠者。僭為王。十  
 一世。至春秋有曰武王。益強大。至文王始都郢。  
 成王與齊桓公盟。召陵。尋與宋襄公爭。霸後與  
 晉文公戰。城濮。歷穆王。至莊王即位。三年不出  
 令。日夜為樂。令國中敢諫者死。伍舉曰。有鳥在  
 阜。三年不蜚。不鳴。是何鳥也。王曰。三年不飛。飛  
 將衝天。三年不鳴。鳴將驚人。蘓從亦入諫。王乃

左執從手。右抽刀以斷鐘鼓之懸。明日聽政。任  
 伍舉。蘓從。後國人大悅。又得孫叔敖為相。遂霸諸  
 侯。楚子爵。辛當作陽。音弭。丹陽。史註在南郡。枝江縣。一說熊繹始封於熊湘。今潭州也。未詳孰是。十一世熊渠以下。歷執事。熊渠。熊延。熊勇。熊嚴。熊膏。熊豹。熊羆。若敖。霄敖。蚡烏。至武王。凡十一世。召陵。召音邵。杜預註曰。潁川縣也。城濮。衛地。今濮州。令。去聲。下同。樂。音洛。聲色。宴遊之樂。阜。土山。曰阜。將。音漿。衝。舊作冲。非。斷音端。上聲。相。去聲。 歷共王。康王。邾敖。靈王。平王。昭王。惠王。簡王。聲王。悼王。肅王。宣王。威王。至懷王。秦惠王欲伐齊。患楚與從親。乃使張儀說楚王曰。王閉關而絕齊。請獻商於之地。

熊澤封陽

熊澤封陽

秦楚盟于黃

說之言縱橫者於是南平百越北卻三晉西伐秦諸侯患楚之疆而楚之貴戚大臣多怨果起者

本傳屈平疾王聽之不聰也諂之蔽明

相言少不...

六百里懷王信之使勇士北辱齊王齊王大怒

而與秦合楚使受地於秦儀曰地後其至其廣

袤六里懷王大怒伐秦大敗去聲下同商於素

黃棘既而遺書懷王願與君王會武關屈平不

可子蘭勸王行秦人執之以歸楚人立其子頃

襄王黃棘地在房襄二州之間武關在

名原小字靈均本與楚同姓武王子瑕食米懷

王卒於秦楚人憐之如悲親戚初屈平為懷王

所任以讒見疏作離騷以自怨至頃襄王又

以譖遷江南遂投汨羅以死秦拔郢楚徙於陳

頃襄王卒考烈王立又徙於壽春音踈離騷

音真入聲水出湘陰入于洞庭壽春縣屬安豐春申君黃歇行相事當

是時齊有孟嘗君魏有信陵君趙有平原君楚

有春申君皆好客春申君食客三千餘人平原

君使人於春申君欲夸楚為玳瑁簪刀劍室飾

以珠玉春申君上客皆躡珠履以見之趙使大

慙相去聲好去聲使去聲下同音誇奢也

音代昧異物志玳瑁生南海形如龜背上

子動師離補也者猶離憂也

害公也也故憂愁也

東王考列壽春

也曲之也故憂愁也

標已曾補

二十一



標言北

補綱目集覽荀卿趙人名况時人相尊號之曰卿後避漢宣諱號曰孫卿

昭王

有鱗鱗大如扇有文章者之趙人荀卿至楚春申君以為蘭陵令荀卿荀姓卿名著書三十二篇曰荀子蘭陵縣屬邳州令去李園以妹獻春申君有娠而後納之考烈王是生幽王園使盜殺春申君以滅口而專楚政幽王卒弟哀王為楚人所弑而立其庶兄負芻秦王政遣將破楚虜負芻滅楚為郡滅口使人不知幽王乃春申君子也為楚之為去聲將王剪燕姬姓召公奭之所封也三十餘世至文公嘗納蘇秦之說約六國為從文公卒易王噲立十

昭王

昭王

年以國讓其相子之商面行王章而噲老不聽政顧為臣國大亂齊伐燕取之醢子之而殺噲燕侯爵都薊北召音邵奭音釋說如字從音燕人立太子平為君是為昭王弔死問生卑辭厚幣以招賢者問郭隗曰齊曰孤之國亂而襲破燕孤極知燕小不足以報誠得賢士與共國以雪先王之耻孤之願也先生視可者得身事之隗曰古之君有以千金使消人求千里馬者買死馬骨五百金而返君怒消人曰死馬且買之

正義云禮曰諸侯與民言自稱曰寡人在

中服曰孤老聃曰王侯自稱孤寡不穀是

也通鑑燕師乘勝長驅齊城皆望

風而潰衆殺脩整燕軍禁止侵掠求齊之

逸民頭而禮之寬其

為太子已不快於毅田單乃縱反間曰毅與新王有

隙不敢歸以伐齊為名齊人唯恐也將來即墨

七十餘城惟莒即墨不下昭王卒惠王立惠王

趨燕樂毅自魏往以為亞卿任國政已而使毅

樂毅 伐齊 入臨淄

太子 丹質 於秦

賊斂除其暴令脩其旧政齊民喜悅祀桓公管仲於郊表賢者之閭封王獨之墓

殘矣惠王果疑毅乃使騎劫代將而召毅毅奔

趙田單遂得破燕而復齊城〔走音奏間音潤〕燕將姓

子丹質於秦秦王政不禮焉怒而亡歸怨秦欲

報之秦將軍樊於期得罪亡之燕丹受而舍之

丹聞衛人荆軻賢早辭厚禮請之奉養無不至

欲遣軻軻請得樊將軍首及燕督亢地圖以獻

秦丹不忍殺於期軻自以意諷之曰願得將軍

之首以獻秦王必喜而見臣臣左手把其袖右

督亢之田〔補索隱曰〕燕欲以督亢地致秦似故畫圖以獻

標記增補十八史卷之一

標言地補

在燕東甚良沃欲獻秦故畫其圖而獻

荆軻至秦

省圍既盡而劍出見

手搃其臂則將軍之仇報而燕之耻雪矣於期慨然遂自刎丹奔往伏哭乃以函盛其首又嘗求天下之利匕首以藥淬之以試人血如綫立死乃裝遣軻行至易水歌曰風蕭蕭兮易水寒壯士一去兮不復還于時白虹貫日燕人畏之軻至咸陽秦王政大喜見之軻奉圖進圖窮而匕首見把王袖搃之未及身王驚起絕袖軻逐之環柱走秦法群臣侍殿上者不得操尺寸兵左右以手搏之且曰王負劍遂拔劍斷其左股

荆軻為秦殺

堅一作深補焯謂燒而內水中以堅之也

軻引匕首搃王不中遂體解以徇秦王大怒益發兵伐燕喜斬丹以獻後三年秦兵虜喜遂滅燕為郡質音致於音烏舍音極館也養音漾督亢亭師古曰膏腴之地諷音風去聲諭也樞音砧去聲刺也伏哭伏其屍而哭也函音咸櫃也盛音成焯音啐堅也如縷通鑿注血出如絲縷也易音亦易水出中國新成縣西北東南流合滹沱水入海虹蟠螭曰虹咸陽縣屬安西秦所都也喜見之見音現下同操平聲搏音博負劍古者帶劍上長拔之不出室欲下王推之於背今前短易拔斷音端上聲擲同中音去聲體解謂分其體徇音旬去聲今眾曰徇三當作五○世紀燕自惠侯至王喜凡三十四世惠侯以上世次不明今無所考

標記曾補

○騎去聲

秦之先本顛頊之裔曰大業者生柏翳舜賜姓

嬴氏其後有蜚廉蜚廉子曰女防女防之後有

非子好馬為周孝王主馬於汧渭之間馬大蕃

息分土為附庸邑之秦閱二世至秦仲始大歷

莊公至襄公犬戎殺幽王襄公救周有功封為

諸侯賜以岐西地秦伯爵柏翳即伯益也蜚廉子

來惠來生女防女音汝好去聲為周之為去聲

汧音牽水出隴州汧源縣汧山東南入于渭附

庸小國也陳氏曰民功曰庸其功勞附大國而

按秦鞏昌在明陝西

非子封秦 襄公救周有功

晉秦合戰于韓

○倍音同

德公宣公成公至繆公有百里侯者故虞大夫

也為繆公夫人媵也秦走死楚人執之繆公聞

其賢以五羖羊皮贖得之授之政號曰五羖木

夫百里侯進其友蹇叔以為上大夫繆公送晉

惠公歸晉已而倍秦合戰于韓繆公為晉軍所

圍岐下有嘗食公馬者三百人馳冒晉軍晉解

圍遂脫繆公以反先是繆公亡善馬野人共得

而食之吏逐得欲法之公曰食善馬不飲酒傷

人皆賜酒而赦之至是聞秦擊晉皆願從推鋒

以一作而 按及下管 有生得晉 君四字上

標記增補十八史畧卷之一

標言地

○僂美同

爭死以報德僂穆同百里僂百里氏奚名其先

○蹇音堅

上聲

補左桓十

六年傳杜

注上涿曰

絜

音盈去聲夫人晉女媵從嫁臣也案左僖公五

年晉虜虞公及僂故以僂為媵而歸秦走音奏

宛音駕邑屬南陽後音古羊杜曰我蹇姓也

公送晉惠公案春秋傳晉獻公絜於齊姜生秦

繆夫人及太子申生娶二女於戎戎胡姬生

車耳小戎子生夷吾驪姬生奚齊其姊生卓子

驪姬諂申生自殺又二公子出奔獻公卒奚

齊卓子繼立皆為大夫里克呀絺繆公納夷吾

是為惠公合戰于韓原屬同州案春秋傳初惠

公賂秦以求入國許秦以五城及入而弗與既

而晉饑求糴於秦秦與之明年秦饑求糴於晉

晉不與秦故伐之為晉之為去聲食如字下同

先音霰後凡云先是者皆以此善良也野人岐

下人繆公以為野人之罪出於不虞不忍法之

故佯言如是且與之酒而穆公後又送晉文公

釋其人推音退平聲排也

繆公

不替

孟明

不替

孟明

不替

孟明

不替

孟明

不替

孟明

不替

孟明

不替

孟明

不替

孟明

不替

孟明

不替

孟明

不替

孟明

不替

孟明

左傳二十

四年春正

月秦伯納

之不書不

告入也杜

註云納重

耳也

補左莊三

年傳杜注

滑鄭地在

陳留襄邑

縣西北

歸國立而霸諸侯晉文公卒秦道孟明襲鄭曰

破滑晉襄公敗之峭繆公不替孟明修國政後

伐晉得志遂霸西戎歸國事見左傳公二十

孟明其字也滑未詳所在敗音拜峭音交山在

河南府永寧縣不替孟明晉廢也案孟明雖有

喪師之責而公終不廢之故孟明益修國政卒

伐當自濟河焚舟取官及郊封穀戶等事說

見左文歷康公共公桓公景公哀公惠公悼公

公三年

厲公共公蹀公懷公靈公簡公惠公出子獻公

至孝公河山以東強國六小國十餘皆以夷狄

遇秦損不與諸侯之會盟孝公下令賓客群臣

強秦

下台

孝公

強秦

下台

孝公

強秦

下台

孝公

強秦

下台

孝公

強秦

標已曾甫

卷之二

孫鞅入秦欲變法

有言以補之

有能出奇計強秦者吾其尊官與之分土衛公  
孫鞅入秦因嬖人景監以見說以帝道王道三  
變為霸道而後及強國之術公大悅欲變法  
天下議已鞅曰民不可與慮始而可與樂成卒  
定令令民為什伍相司連坐不告姦者腰斬  
告姦者與斬敵同賞匿姦者與降敵同罰有軍  
功者各以率受爵為私闕者各以輕重被刑大  
小戮力本業耕織致粟息多者復其身事未利  
及怠而貧者舉以為奴共音恭下同 隸音隸 河山 黃河 犂山 不與

太子犯法衛其刑

西示已曾補

之與音豫令去聲下並同音墳去聲景監景  
姓監名見音現帝道堯舜之道王道殷周之道  
霸道五霸之道已音紀 音洛什伍五家為伍  
伍伍為什司猶管也為什伍之法使之相收相  
箠連坐謂一家有犯則罪及眾家也同賞告姦  
身沒其家音律爵封也戮戮同併也復音福  
除其賦役也叔孛孛妻子也秦法一人有罪併其  
其室家漢文帝元年除其去此律令既具未布立三丈之木於國  
都市南門募民有能徙北門者予十金民怪之  
莫敢徙復曰能徙者予五十金有一人徙之車  
予五十金乃下令太子犯法鞅曰法之不行自  
上犯之君嗣不可施刑刑其傅公子虔黥其師

君為封泰

通鑑曰周  
頭王十九  
年秦商鞅  
築冀闕宮  
庭於咸陽  
徙都之并  
諸小鄉聚  
集為一縣  
縣置令丞  
凡三十一  
縣廢井田  
開阡陌更  
為賦稅法  
○內字

公孫賈秦人皆趨令行之十年道不拾遺山無  
盜賊家給人足民勇於公戰怯於私鬪鄉邑夫  
治初言令不便者來言令便鞅曰皆亂法之  
也盡遷之邊民莫敢議令民父子兄弟同室內  
息者為禁廢井田開阡陌更為賦稅法秦人富  
強封鞅商於十五邑號曰商君布陳也音暮  
息者為禁息止也秦俗父子同室居止至是禁  
之蓋欲子壯出分使力多父老也阡陌路南  
曰阡東西曰陌開之成為田更音庚下並同賦  
稅井田之制方里為井井中百畝界為九區中  
為公田其八家各受一區且借其力助耕公田  
而不復稅其私田至秦廢之而但稅其私田

鞅論  
水盡  
赤

武王  
使甘  
茂伐  
韓

○舍人曰  
下脫店  
家人言  
四字注  
張和仲千  
百年眼云  
馬經馬性  
畏灰馬駒  
遇之輒死  
故石礪之  
灰往往令  
馬落駒秦  
之禁棄灰  
也其為畜  
馬計耶又  
夏小正及

茅公薨惠文王立公子虔之後告鞅欲反鞅出  
亡欲止客舍舍人曰商君之法舍人無驗者坐  
之鞅歎曰為法之弊一至此哉去之魏魏不受  
內之秦秦人車裂以徇鞅用法酷步過六尺者  
有罰棄灰於道者被刑嘗臨渭論囚渭水盡赤  
舍店也無驗傳人止宿無文憑可驗者坐罪囚  
納同軍裂以車曳裂其體酷虐也六尺秦制六  
尺為步步二百四十為畝論去聲  
惠文王薨  
武王立武王使甘茂伐韓茂曰宜陽大縣其實  
郡也今倍數險行千里攻之難魯人有與魯參

示口

卷之

月令仲夏之月毋燒灰鄭注以

為傷火氣是矣是月

正頌馬政游北別羣

是毋燒灰也亦為馬

韓子云殷之法無灰水欄者刑

子貢以為重問之仲尼曰及棄

於衢心燻人必怒怒

盟武丁盟甘  
同姓名者殺人人告其母毋織自若及三人告  
之母投行下機踰墻而走臣賢不及魯參王之  
信臣又不如其母疑臣者非特三人臣恐大  
之投紆也魏文侯令樂羊伐中山二年而後拔  
之反而論功文侯示之謗書一篋再拜曰非臣  
之功君之力也今臣羈旅之臣也標里子公孫  
奭挾韓而譏王必聽之王曰寡人弗聽乃盟于  
息壤攻伐宜陽五月而不拔二人果爭之武王  
召茂欲罷兵茂曰息壤在彼王乃悉起兵佐茂

盟武丁盟甘

武王好力

則關則刑三族雖刑

之可也綱鑑注

可肥田於路則為

刑刑農故加

按漢五行志刑字作

脈補接脈經

脈之脈耳臄膝常非

脛骨注甚憤憤

齊怒答擊嗾折脅拉齒嗾佯死

牛酒賈疑嗾以國陰事告齊歸告魏相魏齊魏

齊怒答擊嗾折脅拉齒嗾佯死

齊怒答擊嗾折脅拉齒嗾佯死

齊怒答擊嗾折脅拉齒嗾佯死卷以篋置則中

牛酒賈疑嗾以國陰事告齊歸告魏相魏齊魏

者嘗從須賈使齊齊王聞其辯口乃賜之金

烏獲孟說皆至大官王與孟說舉鼎絕脈死好

聲任音壬說音悅弟昭襄王稷立有魏人范睢

正義曰秦邑在彼好武王有力好戲力士任鄙

言息壤有盟悉音膝武王有力好戲力士任鄙

子紀年又謂之楮里疾標音杼平聲水名息壤

也喻載也中音仲悉音謙入聲籍也羈旅張晏

遂拔之在陽屬河南魯參孔子宋子奭其

母孔門曾參母也杼音停機之待緯者



代惟  
為相

使辭客更溺之以懲後。唯告守者得出更姓名。  
 日張祿秦使者王稽至魏潛載與歸薦于昭衣。  
 王以為客卿教以遠交近攻之策。唯音翌後  
 也乃密須之後為魏大夫使去聲陰事私事也  
 相去聲下並同晉音痴音舌晉音險入聲助  
 也。拉音蟬推也。卷音倦。實音隱。日。名也。更音庚  
 下同。溺尿同。懲音澄。戒也。秦使之使去聲下同。  
 晉音雜。客卿外國時穰侯魏再用事。唯說王廢  
 人為卿。日客卿。之而代為丞相。號應侯。魏使須賈聘秦。唯敝衣  
 間步往見之。賈驚曰。范叔固無恙乎。留坐飲食。  
 日。范叔一寒如此。或取一綈袍贈之。遂為賈御。

須西  
綈袍  
有故  
入意

補松苗日  
 書頌首讀  
 罪獻其色  
 何等書法

至相府日。我為君先入通于相。去賈見其久不  
 出問門。下門下日。無范叔鄉者。吾相張君也。賈  
 知見欺。乃膝行入謝罪。唯坐責讓之。日。爾所以  
 得不死者。以綈袍戀戀尚有故人之意。爾乃大  
 供具。請諸侯賓客置坐豆其前。而馬食之。使歸。  
 告魏王日。速斬魏齊頭。來不然。且屠太梁。賈歸  
 告魏齊。魏齊出走而死。穰音穰。間音澗。恙音恙。  
 病也。欬去聲。食音嗣。綈  
 音向。供音恭。坐音判。斬草日。坐音奏。唯既  
 得志于秦。一飯之德。必償。唯眦之怨。必報。王既

耶而在我國史畧中猶不改之唯存被辱文耳雖為外國之事天朝忠義之人孰不憤之

用唯策歲加兵三晉斬首數萬周赧王恐與諸

侯約從欲伐秦秦攻周赧王入秦頓首請罪盡

獻其邑三十六周赧王亡周自東遷王室益卑所存秦將武安君白起

與范雎有隙廢為士伍賜劍死于杜郵王臨朝

而歎曰內無良將外多強敵唯懼蔡澤曰四時

之序成功者去唯稱病澤代之士伍嘗有爵而

上行舍曰郵朝音朝四時春夏秋冬昭襄王

魏子孝文王柱立魏子莊襄王立魏嗣為王

代蔡澤

死干起

周

前漢杜欽

怨也註唯舉

匡也言舉

必報之也

論合從六國之利

者政也遂并六國是為秦始皇帝

○司馬溫公曰縱衡之說雖及覆百端然太要

之朝聘以相交響宴以相樂會盟以相結者無

信義相親則秦雖強秦安得而以之哉夫三晉

者齊楚之藩蔽齊楚者三晉之根抵形勢相資

以齊楚而攻三晉者自撤其藩蔽也安有撤其

藩蔽以媚盜曰盜將愛我而不攻豈不悖哉杜

氏曰滅六國者六國也其無信乎

黃帝以來天下列百里之國萬區蓋自中國

以達于四裔中國之制可攷於王制者九州

千七百七十二國古之建侯各君其國各子其民而宗生於天子歷夏殷至周強併弱大吞小春秋十二國外存者無幾戰國存者六七至是遂併於秦四裔四方之外也王制禮記篇名九州九州之內一州為王圻容九十三國外八州容一千六百八十國并圻內為千七百七十二國也宗主於天子王制所謂比年一小聘三年一大聘五年一朝之類是也無幾不多也幾如字

立齋先生標題解註音釋十八史畧卷之一

